

# ***Ilanngussaqq G***



Uunga: Inatsisartut Aningaasaqarnermut Akileraartarnermullu  
Ataatsimiititaliaat  
Uunga: Sakarias Amondson.

## **Aningaasaqarnermut Akileraartarnermullu Ataatsimiititaliap AIS2017-imut apequtaanut Naalakkersuisut akissutaat**

Aningaasaqarnermut Akileraartarnermullu Ataatsimiititaliap AIS2017-imut apequtaanut Naalakkersuisut akissutaat tamarmiusut allakkami matumani takuneqarsinnaapput. Apeqqutit allakkatigut, j.nr.: 01.31.11-00016, ulloq 26. oktober 2016 Naalakkersuisunut nassiunneqarput.

Allakkap ullua: 16-11-2016  
Suliap nr.: 2016 - 4607

P. O. Box 1037  
3900 Nuuk  
Oqa. (+299) 34 50 00  
Nassitsigasuaat (+299) 34 63  
50  
E-mail: oed@nanoq.gl  
www.naalakkersuisut.gl

### **2. Oqaasertaliussat**

#### **2.1. Naalakkersuisunut – Suliassaqarfik 10 - 89 - Nr. 6-imut.**

- a) Ataatsimiititaliap itisilertikkusuppaa kia aalajangertarneraa  
ajornartorsiortoqarnerani iliuseqartoqarnissaanik  
pisariaqartitsisoqarnersoq?

Naalakkersuisut akipput ”Kalaallit Nunaanni upalungaarsimanissamut pilersaarut atuuttoq naapertorlugu Upalungaarsimanermit ataatsimiititaliap qinnuiginninneratigut Naalakkersuisut Siulittaasuat tassaasinnaavoq tamanna pillugu aalajangiisussaq.”

#### **Apeqqut:**

Tamanna ataatsimiititaliamit ima paasineqassava piginnaatitsissutip atorneqarnissaa pillugu aalajangiinissaq Naalakkersuisut ataasiakkaat tamarmik akisussaaffigisinnaagaat?

AKISSUT: Naamik. 1 mio. kr,-t sinnerlugit akeqarpat Upalungaarsimanermit ataatsimiititaliami siulittaasoq Naalakkersuisut Siulittaasuannut taassumaluunniit sinniisuanut politikikkut akuersissummik qinnuteqassaaq.

### **3. Nalinginnaasumik nassuiaatit**

Allamik allassimasoqartinnagu quppernermit innersuussutit danskisuaanum innersuussutaapput.

#### **3.1. Immikkoortoq 3. Aningaasaqarnikkut inissisimaneq. qupperneq 93**

#### **Apeqqut:**

2017-ip kingorna siuariartorneq annikillissasoq naatsorsuutigineqarpa?  
Akissut. Naalakkersuisut ukioq manna 2016-imi 5 pct.-mik qaffannissaa naatsorsuutigaat. Taassuma saniatigut Aningaasaqarnermit Siunnersuisoqatigiit ass. avaleraasartuunik aatsitassanillu annissuinerup killilimmik

annertusinissaannut naatsorsuutigisat naapertorlugit 2017-imut 1 pct.-ip missaanik qaffannissaa naatsorsuutigaa. Naalackersuisut 2017-ip kingorna pisussat qaffakkiartornissaat siuoorlutik naatsorsorsinnaangilaat.

Susoqaraluarpalluunniit 2016-imi qaffannera annertoorujussuusoq, aamma piffissami ungasissumi ungasinnerusumilu 1 pct.-imik, soorlu 1979-imiit 2015-imut agguaqatigiissillugu qaffariaataasartut annertoqataanik, qaffattarnissaa naatsorsuutigineqassaaq. Raajat aalisakkallu akii, aalisarneqarsimasut annertussusaat, aatsitassarsiorneq ilumut aallartissanersoq kiisalu sanaartorneq ukiuni aggersuni qaffakkiartornissamut apeqqutaassapput. Mittarfinnik sanaartornissamut pilersaarutit sanaartornermi aningaasaqarnermut qaffariaataassapput.

### 3.2. Immikkoortoq 3.1, Akiitsoqarnerup nikerarnera, qupperneq 94

- b) Kommunit siunissami akiitsoqarnikkut inissisimanagerat pillugu kommunit Aningaasaqarnermut Naalackersuisoqarfimmit oqaloqatigineqareeripata ilisimatinneqarnissaaq ataatsimiititaliamit kissaatigineqarpoq.

#### Apeqqut 1:

Kommunit ataasiakkaat ukioq manna akiitsui tamarmiusut aammalu ilanngaaseereerluni akiitsui qanoq annertutigippat aammalu ukiuni tulliuuttuni qanoq issangatinneqarpat?

Akissut: 2015-imut naatsorsuutini aamma ukiumut maannamut 2017-imullu ineriartornissamut naatsorsuutigisani allassimasut kommunit akiitsui tabelimi ataaniittumi takuneqarsinnaapput. Oqaatigineqassaaq kommunit aningaasaatit tigorianaatigisaannit akiitsut amerlanerummata.

Aningaasaqarnermut Naalackersuisoqarfik kommunit ukiuni pingasuni-tallimani tulliuuttuni akiitsutigut naatsorsuutigisaat pillugit maanna paasissutissanik paasiniaaleruttorpoq.

	1.000 kr.								
	2015			2016			2017		
	Rentebærende gæld	Likvide beholdninger	Nettorentebærendegæld	Rentebærende gæld	Likvide beholdninger	Nettorentebærendegæld	Rentebærende gæld	Likvide beholdninger	Nettorentebærendegæld
Sermersooq Kommune	15.600	-101.065	-85.465	14.300	-120.936	-106.636	13.000	-145.936	-132.936
Kujalleq Kommune	15.571	-37.299	-21.728	22.018	-13.654	8.364	18.874	-30.654	-11.780
Qeqqata Kommune	-	-19.732	-19.732	-	-30.903	-30.903	-	-30.095	-30.095
Qaasuitsup Kommune	36.849	-63.000	-26.151	29.896	-63.000	-33.104	26.062	-63.000	-36.938
<b>Kommunerne, subtotal</b>	<b>68.019</b>	<b>-221.096</b>	<b>-153.077</b>	<b>66.214</b>	<b>-228.493</b>	<b>-162.279</b>	<b>57.936</b>	<b>-269.685</b>	<b>-211.749</b>

- c) Akiitsunut periusissaaq naapertorlugu akiitsornissamut killissarititaasoq qanoq qanitsigineqarpat?

Naalackersuisut ilaatigut akipput ”Taarsigassarsinermi isumaqatigiissutit atuuttut naapertorlugit Namminersorlutik oqartussat taarsigassarsiarisinnaasaat sinneruttut qularnangitsumik ... mittarfiit sanaartornissaasa aningaasalersornissaannut naammassanngillat.”

## **Apeqquutit 2:**

Pisortat akiitsorsinnaanerannut qummut killiliussisoqarsimatillugu aammalu mittarfiliornissamik pilersaarutit saniatigut sanaartugassat allat utaqqimmata sanaartugassat ataasiakkaat aningaasalersorneqarnissaat eqqarsaatigalugu Naalakkersuisut qanoq pingaarnersiuniarnersut paasissutissiissutigineqassasoq ataatsimiititaliamit kissaatigineqarpoq?

Akissut: Covenants-inik taaneqartartunik, tassa taarsigassarsinermut isumaqatigiissutini atuuttuni piumasagaatinik nalinginnaasunik naammassisassanik, tulluarsaanissaq siunertaralugu Naalakkersuisut Nordisk Investeringsbank suleqatiseeraat. Namminersornerullutik Oqartussat ilanngaaseereerluni ernialersorneqartut akiitsui Nunatta Karsiata isertitaasa tamarmiusut annerpaamik 20 %-ianit annertunerussanngillat aamma Namminersornerullutik Oqartussat akiitsui aamma ingerlatseqatigiiffiit Namminersorlutik Oqartussanit pigineqartut isertitat tamarmiusut annerpaamik 75 %-ii sinnersimassanngilaat. Tassa imaappoq katillugit 5,0 mia. kr.-nik amerlassusillit. Namminersornerullutik Oqartussat ilanngaaseereerluni ernialersorneqartut akiitsui taassumalu ingerlatseqatigiiffii katillugit 1,8 mia. kr.-upput, taannalu, mittarfiliornissamut taarsigassat nukissiorfissallu inissiallu minillugit, 2019-imi 3,65 mia. kr.-nut amerlinissaat naatsorsuutigineqarpoq.

Naalakkersuisut Covenantsinut allannguutissatut siunnersuutiminnik Nordisk Investeringsbankimut saqqummiussinnginneranni nukissiorfissanut mittarfissanullu ininullu aningaasalersuinissamut pilersaarutillu qanoq iluanaarutaatigisinnaanersut paasilluaqqaartariaqarpaat Pilersaarutit ingerlatsineq eqqarsaatigalugu aningaasatigut ingerlalluarnerruppata Namminersornerullutik Oqartussanut ingerlatseqatigiiffiinullu taarsigassiissutissat qaffanneqarsinnaanerussapput. Tele Greenland, Royal Arctic Line aamma Royal Greenland-ip akiitsutik erniallit ukiuni aggersuni qaffassavaat. Ukiuni tallimani tulluuttuni Royal Greenland, trawlerinik marlunnik pisinermut atatillugu 1.794 mio. kr.-inik taarsigassarsissaq. Umiarsuarmik taarsiinissamut RAL aamma pisariaqartitsivoq kiisalu Tele Greenland imaatigut kabelimik nutaamik sanaartornissamut pilersaaruteqarluni.


- g) Namminersorlutik Oqartussat ilanngaaseereerluni pisassarisaat ukiuni tulluuttuni ilanngaaseereerluni akiitsunngornissaat Naalakkersuisunit naatsorsuutigineqarpoq. Tamatumunnga Naalakkersuisut tunngavilersuutigaaat Nukissiorfinnut Illuut A/S-imullu taarsigassarsiarititat appariaataannit annertunerusumik ingerlatseqatigiiffimmut mittarfiliortussamut pisussaaffiit qaffannissaat. Tamatuma itisilerneqarnissaa ataatsimiititaliamit kissaatigineqarpoq.

## **Apeqquut 3:**

- a) Naalakkersuisut apeqquummut akissutaat itisilerneqassasoq ataatsimiititaliamit kissaatigineqarpoq. Namminersorlutik Oqartussat ilanngaaseereerluni pissarsiassaat/ilanngaaseereerluni akiitsui 2016-imi, 2017-imi ukiunilu missingersuusiorfinni qanoq katiterneqarsimasussatut naatsorsuutigineqarnersut paasissutissiissutigineqassasoq ataatsimiititaliamit kissaatigineqarpoq?

Akissut. 2015-ip naanerani akiitsut 0,6 mia. kr.-ingajaapput aningaasaatillu tigorianaat 1,7 mia. kr.-ingajaallutik. Sanaartornermut Iluarsartuussinermullu Aningaasaateqarfik 300 mio. kr.-inik ikiliiffigineqarnissaanik naatsorsuutigisat pingaartumik tunngavigalugit ukioq 2016-imi aningaasaatit tigorianaat ikilisillugit IST-mi amigartooruteqarnissamut kiisalu akiitsumut akiliinissamut missingersuusiortoqarpoq.

Nunatta Karsiata akiliinnaassuseqarnerata akiitsoqarneratalu oqaluttuarisaanera takussutissiami ataaniittumi takuneqarsinnaavoq. Takussutissami Nunatta Karsiata 1995-imiilli akiliinnaassusaa akiitsuanit anginerusimasoq, 2016-imi nikingassutaasut ikinnerulersimasut 2020-milu massakut akiitsut akiliinnaassutsimit amerlanerulaalissasut takuneqarsinnaapput.



b) Nukissiorfiup akiitsuminik akilersuinera atuisunit aningaasalersorneqassava?

Akissut. Nunatta Karsianit 2017-imi 14 mio. kr.-inik tapiissutit eqqaassanngikkaanni Nukissiorfiit aningaasartuutaat tamaasa, erniat nalikillilinnerillu ilanngullugit, atuisut akiliutigisartagaannik aningaasalersorneqassapput. Taamaasillutik atuisut Nukissiorfiit Nunatta Karsianut akiitsui akilersorpaat.

Nukissiorfiit tassaavoq suliffeqarfittut namminersortitaq Nunatta Karsianut aningaasaateqarfittut atuisoq. Nukissiorfiit annertuunik aningaasaliigaangat nalinginnaasumik Nunatta Karsianut taarsigassarsisarpoq, taakkulu taarsigassat, aningaasaateqarfinnut atatillugu suliffeqarfiit namminersortut assigalugit, ernialersorneqartarput akilersorneqarlutillu.

Taassuma saniatigut oqaatigineqassaaq, Nunatta Karsia Nukissiorfimmuut erngup nukinganik nukissiorfiliornissamut aningaasaliinissamut taarsigassarsippat, tamanna 'business-case't aningaasaliinernik akilersinnaassutsimik takutitsisut aqutugalugit pisarpoq. Takorlooraanni Nukissiorfiit Nunatta Karsianut akiitsuminik akilersuinngitsoq, 'business-case't ajorseriarujussuassapput,

taamatutaaq pilersaarutitut aningaasalersuinissamut taarsigassarsinissamut periarfissat.

3.3. Immikkoortoq 3.2.1. Missingersuutit pillugit kommuninik suleqateqarneq, qupperneq 96

c) Naligiissaareriaasissamik nutaamik suliaqarnermi kommunit tamarmik ilaatinneqarpat?

**Apeqqut 1:**

Naligiissaareriaasissamik nutaamik suliaqarnermi kommunit ataasiakkaat sunik tapersiuteqarpat?

Akissut: Naligiissaareriaasissamik nutaamik suliaqarnermi assigiinngitsuni marlunni kommunit tamarmik peqataapput:

1. Kommuninit tamanit Namminersorlutik Oqartussaniillu sinniisunik inuttalimmik suleqatigiissitamik pilersitsisoqarnikuvoq. Suleqatigiissitaq 2017-imi kommuninut naligiissaareriaasissamik nutaamik saqqummiussissaaq.

2. Naalakkersuinikkut ataqatigiissaarisartoqatigiit kommunit borgmesteriisa peqataaffigisaat tassaavoq suliamut naalakkersuinikkut aqutsisoqatigiit ataatsimiinnerannilu tamani suliaq pillugu killik pillugu tigusaqartarput.

Taassuma saniatigut kommunit sulianut atatillugu suleriaatsinit paasissutissanik imaluunniit kommunip allaffissorneratigut paasissutissat paasineqarsimasunik ikorfartuissapput

d) Suliaq tamanna pillugu ingerlaavartumik ilisimatinneqartarnissani ataatsimiititaliap kissaatigaa.

**Apeqqutit 2:**

"Arlaannik ilisimatitsissutigineqartariaqartumik susoqarpat"-mik oqarneq qanoq paasineqassava?

Akissut: 'Ilisimatitsissutigineqartariaqartumik'-imi pineqarpoq inernernik imaluunniit allanik aalajangersimasunik saqqummertoqaraangat. Ilusissaq qulaani taaneqartoq akuerineqareerpat, Naalakkersuinikkut ataqatigiissaarisartoqatigiit ataatsimeereernerisa tamaasa tamanna pillugu paasissutissanik ataatsimiititaliaq tigusaqartassaaq.

3.4. Immikkoortoq 3.3, Ingerlatseqatigiiffinni Namminersorlutik Oqartussanit pigineqartuni tallimani annerpaani ineriartorneq, qupperneq 98

**Apeqqut 1:**

1) Pisiortornermut atorfinitsitsisarnermullu aalajangersimasumik politikeqaqqullugit ingerlatseqatigiiffiit Namminersorlutik Oqartussanit pigineqartut Naalakkersuisunit peqquneqarsimappat?

Akissut: Ingerlatseqatigiiffiit Namminersornerullutik Oqartussanit pigineqartut ulluinnarni ingerlanneqarnerannut akisussaaffik ingerlatseqatigiiffiit nammineerlutik aquppaat. Tassa imaappoq pisiortornermut atorfinitsitsisarnermullu politikii ingerlatseqatigiiffiup akisussaaffianiippoq

pisinnaatitaaffianiillunilu, tamannalu Naalakkersuisut akuliuffigissannngilaat. Tamanna tunngavigalugu Naalakkersuisut taakku pillugit ingerlatseqatigiiffinnut pisussaaffilersuinikuunngillat.

2) Taamaassimappat taama politikeqarnissaq ingerlatseqatigiiffiit qanoq isumaqarfigaat?

Akissut: Ingerlatseqatigiiffiit Namminersornerullutik Oqartussanit pigineqartut inatsit atuuttut naapertorlugit pisiortornermut atorfinitsitsisarnermullu politikikkissartik namminneq suliarisaraat Naalakkersuisut ilisimaarilluarpaat paasilluarsinnaallugulu, tamannalu allanngortikkusunnigilaat.

3) Siuliani allassimasutut pisoqarsimappat tamatuma kingorna Naalakkersuisut qanoq iliorsimappat?

Akissut: Naalakkersuisut qulaani allassimasunut atatillugu allanngortikkusunnigilaat.

Naalakkersuisut ilaatigut akipput ”Ingerlatseqatigiiffiit ataasiakkaat aningaasaliissuteqartarnerat Naalakkersuisunit toqqaannartumik nakkutilliivigineqarneq ajorpoq...”

**Apeqqutit 2:**

Ukiuni kingullerni qulini kukkusumik aningaasaliissuteqartoqarsimaneramik Naalakkersuisut ilisimasaqarpat?

Akissut: Niuernermut atatillugu ilaanni kukkusumik aningaasaliisoqartarnera Naalakkersuisut ilisimavaat tamassumalu Ingerlatseqatigiiffiit Namminersornerullutik Oqartussanit pigineqartuni pisarnera ilisimavaattaq.

**Apeqqut 3:**

Royal Arctic Linep aalajangigaasa inuiaqatigiinni pissutsinut eqquinnginnissaat qanoq Naalakkersuisunit nakkutigineqartarpa?

Akissut: Royal Arctic Linep ingerlatsinissamut akuersissutip iluanut atatillugu suliarisartagai naleqqussarneqartarput. Tamanna akuersissut/kisermaassisussaataaffik arlalinnik pisussaaffittaqarpoq. Taamaalillutik ingerlatsinissamut akuersissut aqqutigalugu RAL-ip suliasai naleqqussarneqartarput.

Assersuutigalugu ingerlatsinissamut akuersissut atuuttumi allassimavoq, ingerlatsinissamut akuersissummik paarisartoq, Royal Arctic Line, Kalaallit Nunaata pilersorneqarnissamut pisariaqartitai naammassiniarlugit, pissutsilli sunniteqarfisinnaanngisat eqqaamallugit, suliffeqarfinni akisussaassuseqartumik aaqqissussagaa ingerlatissallugulu. Kiisalu assersuutigalugu sapinngisamik kalaallit sulisoqarniarnissamut pisussaaffik allassimavoq.

3.5. Immikkoortoq 3.4, EU-mik aalisarneq pillugu isumaqatigiissut, qupperneq 100

**Apeqqut:**

EU-mik aalisarneq pillugu isumaqatigiissutip allanngortinneqarsinnaanera pillugu EU-mit nalunaaruteqartoqarsimava?

Akissut: Naamik, EU Aalisarnermut isumaqatigiissutip allanngortinnissaanut nalunaaruteqarsimangilaq.

3.6. Immikkoortoq 3.5, EU-mik peqateqarnissamik isumaqatigiissut, qupperneq 101

- b) Angusassat eqquutsinneqannginnerat maannamit anguniagarineqartunut qanoq sunniuteqassappat, qanoq angusaqarnerunissaq anguniarneqassava?

**Apeqquut 1:**

- 1) EU-mik aalisarnej pillugu isumaqatigiissutip allanngortinneqarsinnaanera pillugu EU-mit nalunaaruteqartoqarsimava?

Akissut 1): Naamik, EU Aalisarnermut isumaqatigiissutip allanngortinnissaanut nalunaaruteqarsimanngilaq.

- 2) Angusassat eqquutsinneqannginnerat pinngitsoortinniarlugu isumaqatigiissutit allanngortinneqarnissaasa sulissutigineqarnissaat Naalakkersuisut pilersaaruteqarfigaat?

Akissut 2): Ilinniartitaaneq pillugu suleqatigiinnissamut isumaqatigiissut maanna atuuttoq 2020 ilanngullugu atuutissaq. Taamaammat piffissami tassani annertuunik allanngortoqarsinnaanngilaq. EU-p amerlasuunik tapiissuteqartarnera eqqarsaatigalugu, EU aamma angusassanik piumasaaqateqarsinnaanera ataatsimullu isigalugu ilinniartitaanermi annertuumik pitsanngoriartortoqarnera paasinarput.

- c) Kingunissai kisitsisinngorlugit aningaasartai qanoq amerlatigippat ukiunilu aggersuni anguniakkanik naammassisaqarnissaq eqqarsaatigalugu aningaasatigut kingunissai qanoq takorloorneqarpat?

Naalakkersuisut ilaatigut akippat ” Aningaasanut inatsimmi nalinginnaasumik 75 %-inik naammassisaqarsimanissaq missingersuusiortarparput.”

**Apeqquutit 2:**

Tamatumunnga suna tunngaviua aammalu tamanna naapertuuttumik qaffasissuseqarpa?

Akissut: Piffissami 2011-miit 2015-imut anguniakkat anguneqarsimasut makkuupput:

2011	2012	2013	2014	2015
79%	80%	84%	93%	68%

Piffissami agguaqatigiissillugu 80%-it anguneqarsimapput, taamaammat konto pingaarnermi missingersuinermi 75%-itut annertugisumik anguniagaqarluni missingiineq naleqquppoq.

3.8. Immikkoortoq 4.1.1, Ilinniartitaanerit, qupperneq 104

- b) Naalakkersuisut paasissutissiissutigaat anguniagassatut akuersissutigineqartut kommuninut ataatsimoortumik tapiissutit ilaata annertussusissaannut apeqqutaatinneqalersinnaasut. Ataatsimoortumik tapiissutit ikilineqarsinnaanerat kajumissuseqalersitsisinnaasutut Naalakkersuisunit taaneqarpoq. Tamanna kommuninut atuarfik pillugu suliasaminnik kivitsinissaminnik ajornartorsiuteqareersunut qanoq kinguneqarsinnaanersoq Naalakkersuinit naliliiffigineqarsimava misissoqqissaarneqarluniluunniit?



Naalackersuisut ilaatigut akipput ”Meeqqat atuarfiannut tunngasutigut suleqatigiinnissamik isumaqatigiissummi aamma ataatsimoortumik tapiissutissat pillugit kommuninik isumaqatigiissummi anguniagassat anguneqarnissaannut taamatut kajumissuseqalersitsinissaqimmikkut ittumik misissoqqissaarneqarsimangilaq, tamanilli ilisimaneqarpoq anguniagassat anguneqarnissaannut aningaasatigut kajumissaasiisarneq sunniuteqartartoq.”

**Apeqqu 1:**

1) Naalackersuisut suliami tassani taama isumaliutersornerannut suna tunngaviua?

Akissut: Tamanna ilinniartitaanerup qaffanneqarnissaanut politikkikkut amerlasuut kissaateqarnermik peqquteqarpoq. Kommunit peqatigalugit ataatsimut tapiissut pillugu isumaqatigiinniarnemi, anguniakkanut qulakkeerinnittussanik, kajumissaatit aqqissugaaneri aamma ineriartornissamut periusissat pillugit isumaqatigiissusiornissamik aallartitsinissamik isumaqatigiittoqarsimavoq. Tamanna pillugu kommuninik Namminersornerullutik Oqartussallu akornanni isumaqatigiinniarnep 2016-ip naanerani naammassineqarnissaa naatsorsuutigineqarpoq. Taassuma saniatigut angusaqarnissaq pingartueqarpoq, pissutigalugu ilinniartitaanermut suliaqarfik EU suleqatigiinnissamut isumaqatigiissuteqarfigimmagu. Ukiumut angusassat matumani tulleriaarneqarput, tapiissutillu 20%-ianik akiliisarneq angusat apeqqutaallutik allanngorsinnaavoq.

2) Tamana sioqqullugu misissueqqissaarnermik suliaqqaarnissaq pissusissamisussannginnerluni, taamaaliornikkummi taamatut pillaatissiinerup piviusunngortinneqarnissaanik aalajangiinissamut tunngavissaqartoqarsinnaaqullugu?

Akissut: Nunani tamalaani misissueqqissaarnerit amerlapput, suliaqqaarnissaa naammassineqarnissaa qulakkeerniarlugu pisortani sunniutinik uuttuinerit pingaaruteqarput, taamaaliornikkullu aningaasat pissarsiffiunerussallutik. Taassuma saniatigut aqqissuussineq pillaaassutissat eqqartorneqarnissaa pissusissamisunnigilaq. Akissussaasoq piginnaatitaasorlu akornanni ataqatigiissaarilluarnissaq pineqarpoq.

3) Kommunit pitsaasumik angusaqarnermut akissarsinneqartussanngorlugit suliaq muminneqarsinnaava?

Akissut: Nassuiaammi qup. 106-imiittumi allassimavoq anguniakkat anguneqarput ataatsimut tapiissut ilaneqarsinnaasut.

h) Tuluit oqaasiinik ilinniartitsinerup pingaarnerusunngortinneqarnera atuartunut ilinniartitsisunullu qanoq kinguneqartussat Naalackersuisunit naatsorsuutigineqarpa. Taamaaliornikkut atuartut sanngiinnerit atuartunut atuagarsornermut pikkorissunut sanilliullutik suliaq ajornerusumik inissimalernissaat aarleqqutigineqarsinnaangila? Taamatut pingaarnerusunngortitsineq tamanna atuarfiit tamarmik naammassisinnaassavaat? Tamanna maanna ilinniartitsisussaaleqinermut qanoq kinguneqassava?

**Apeqqu 2:**

1) Tuluttut ilinniartitsinerup pingaarnerusunngortinnerata atuarfimmi meeqqat amerlanerusut tuluttut taamatullu danskisut ilikkarnerannik nassataqarnissaanik Naalakkersuisut naatsorsuutiginninnerminni suna tunngavigaat? Ullumi atuartoqarpa tuluttut danskisullu ilikkangitsoortartunik?

Akissut: Ullumikkut meeqqat atuarfianni atuartut tuluttut danskisullu piginnaasatigut kissaatigisamiinngitsut amerlavallaarput. Tuluit oqaasiinik pingaarnersitsinerumi Naalakkersuisut anguniagaat naatsorsuutaallu tassaavoq meeqqat tuluttut ilikkarnissaat.

2) Ullumi danskisut ilinniartitsisartuut siunissami tuluttut ilinniartitsisalermissaat Naalakkersuisut anguniagaraat?

Akissut: Naamik, siunissami qanittumiunngitsoq. Naalakkersuisut tuluttut oqaatsit takornartat oqaasiisut salliutinniarlugit kissaateqarput, ilinniartitsinerumi atugassatuunngitsoq.

Taamatut suliniuteqarneq kommuninut amelanerusunik aningaasaliissuteqarnissamik nassataqassasoq Naalakkersuisunit naatsorsuutigineqarpa?

Akissut: Tamassumani tuluttut oqaatsit takornartat oqaasiisut nukittunerusunngortinneqarsinnaaneramik immikkut ilisimasalittut suleqatigiissitap isumaliutissiissutai apequtaassapput. Taamaaliornissamut atatillugu suleqatigiissitap siunnersuutai kommuninut qaavatigut aningaasaliisoqassaneramik paasititsissapput.

i) Nuna tamakkerlugu angajoqqaat siunnersuisoqatigiivini pilersitsiniarneq ingerlatsinerlu qanoq aningaasartuutitaqassava?

**Apeqqu 3:**

Angajoqqaat siunnersuisoqatigiivini piunarsaatit suuppat?

Akissut: nuna tamakkerlugu angajoqqaat siunnersuisoqatigiivi ataasiinnaavoq. Siunnersuisoqatigiit suliassat inatsisissatit siunnersuummi § 42a imm. 2-mi allassimapput. Tassani allassimavoq Siunnersuisoqatigiit ilaatigut meeqqat atuarfiani pitsaassutsimut atatillugu ineriartortitsinissamut pilersaarutini peqataasassasut.

3.9 Immikkoortoq 4.2.1, Inuussutissarsiutinut suliffinnullu tunngassuteqartut, qupperneq 110

c) Suliffeqarfinni sorlerni sulisut amerliartorpat?

**Apeqqu 1:**

1) Suliaqarfni taaneqartuni tamani qassit suliffittaarsimappat?

Akissut 1): Pingaarnerusutigut suliffillit amerlassusaat qaammammut agguaqatigiissillugit tabelimi ataaniittumi allassimapput.

	Pingaarnerusutigut suliffillit amerlassusaat qaammammut agguaqatigiissillugit				
Suliaqarfik	2010	2011	2012	2013	2014

Aalisarnek, piniarnek nunalerinerlu	3.531	3.415	3.532	3.548	3.640
Niuernikkut kiffartuussineq	1.298	1.344	1.426	1.500	1.422
Kiffartuussinerit allat	1.551	1.606	1.549	1.456	1.682
<b>Katillugit</b>	<b>6.380</b>	<b>6.365</b>	<b>6.507</b>	<b>6.504</b>	<b>6.744</b>

2) Tamatuma kingorna suliffissaaleqisut ikileriaqqissimasut Naalakkersuisut paasissutissiissutigat. Inunmit suliffissaaleqisut pillugit kisitsisitigut paasissutissani ilaajunnaartut qassit suliffeqalersimappat?

Akissut 2): Apeqqutigineqartoq aalajangersimaqqissaartumik akineqarsinnaanngilaq. Pissutigalugu inuit suliffissaarukkunnaartut amerlanersaat suliffittaarsimanerannik peqquteqarmata; taassumalli saniatigut allat peqqutaasinnaapput, soorlu ilinniakkamik aallartitsineq, toqukkut qimagunneq, nunamut allamut nuunneq.

f) Inuit Majoriamiittut suliffissaaleqisut pillugit kisitsisitigut paasissutissani ilaatinneqarpat?

**Apeqqutit 2:**

Piffissami 2010 – 2014-imi qassit Majoriamiissimappat?

Akissut: 2010-miit 2014-i ilanngullugu Majoriamiissimasut amerlassusaat tabelimi ataaniittumi allassimapput:

	2010	2011	2012	2013	2014
Ingerlatat amerlassusaat	714	670	665	873	974

g) Takornarianut sullissiviit takornariaqarnermik nunap immikkoortukkaartumik ataqatigiissaarinissaannut nittarsaassisarnissaannullu qanoq piumasaqaateqartoqassava.

**Apeqqut 3:**

Ataqatigiissarinerit suut takornarianut sullissivinnit ingerlanneqassappat?

Akissut: Takornarianut sullissiviit Nunani sumiiffinni ataasiakkaani takornariaqarneranut ataqatigiissaarinissaat siunertaanngilaq. Tamanna suliaasaq kommunit takornariaqarnermut suliaqartuinit suliarineqartaannarnissaat naatsorsuutigineqarpoq, soorlu Visit Greenlandip tamanna nuna tamakkerlugu suliarigaa.

Takornarianut sullissiviit ataatsimoortillugit nukittunerusumik Kalaallit Nunaat nittarsaatissallugu pilersinneqarput, soorlu tamanna aningaasatigut aqutsineq eqqarsaatigalugu pissusissamisoornerpaasorineqartoq. Taamaalluni takornarianut sullissiveqarnermi ataqatigiissaarineq pingarneq ingerlatsinertut ineriartortitsinertullu ippoq.

3.10. Immikkoortoq 4.2.2, Aalisarnej, quppernej 113

- d) Akuersissummik pigisaqartut amerleriernerisa kingunerisaanik sinerissamut qanittumi aalisarnerup imminut akilersinnaassusiata apparnissaanik naatsorsuutiginnineq Naalakkersuisunit itisilerneqarsinnaava?

**Apeqqut:**

- 1) Naalakkersuisut akissutaanut assersuusiortoqarnissaa ataatsimiititaliamit kissaatigineqarpoq.

Akissut: Sinerissap qanittuani aalisariutinik piffissami taama sivikitsigisumi aningaasatigut misissueqqissaartoqarsinnaanngilaq. Taamaammat assersuutitut ajornaallisakkamik nassuiaasiortoqarpoq, tassani aalisariutinut piusunut aalisarsinnaanermut akuersissutinik pigisaqartut quliutillugit akuersissutillu marloriaatinngortillugit. Aalisariummi aalisarsinnaanermut akuersissutinik pigisallit tamarmik immikkut 200.000 kr.-nik nalilimmik umiatsiaatillit quliutillugit tunngavigineqarput. Pisassiissutit 300 tonsiutinneqarput aalisartunullu qulinut naligiimmik agguanneqarlutik. Tulaassinermi akigitinneqartoq kiilumut 15 kr,-utinneqarpoq, pisanut aningaasartuutit assigiinngitsut kiilumut 5 kr,-utinneqarput, allallu aningaasartuutit nalinginnaasut tamarmik nalikilliliinerullutik. Silarsuarmi piviusumi angallatit tamarmik taamatut akeqarnaviangillat taakkulu aningaasartuutit aalajangersimasut nalikilliliineriinnaanaviangillat. Umiatsiaq ukiut qulikkaarlugit nalikilliliiffigineqartassaaq.

Naatsorsuutigisat	
Pisassiissutit tonsinngorlugit	300
Angallatip akia (ukiut qulikkaarlugit nalikilliliiffigineqartartoq)	200.000
Tulaassinermi kiilumut akia	15
Pisanut kiilumut aningaasartuutit assigiinngitsut	5
Ukiumut angallammut aningaasartuutit nalinginnaasut (nalikilliliineq kisiat)	20.000

Maanna aalisarsinnaanermut akuersissutit 20-nngorlugit amerlineqarput. Aalisarsinnaanermut akuersissummik pigisaqartut qulit nutaat tamarmik immikkut umiartartaassapput taakkulu akeqarput. Assersuummi nutaami pisassiissutit allannngortinnagit aalisarsinnaanermut akuersissummik pigisaqartunut tamanut naligiimmik agguanneqarput.

Tabelimi ataaniittumi umiatsianut ataasiakkaanut sunniutit takuneqarsinnaapput:

Aalisariutit tassaapput:		
Aalisarsinnaanermut akuersissummik	Aalisarsinnaanermut akuersissummik	Allannng ortitsine

	pigisaqartut qulit	pigisaqartut 20-t	q
Pisat annertussusaat, tonsit	30	15	-15
Kaaviiartitat	450.000	225.000	225.000
Aningaasartuutit assigiinngitsut	150.000	75.000	-75.000
Aningaasartuutit aalajangersimasut	20.000	20.000	-
Angallammut ataatsimut iluanaarutit	280.000	130.000	150.000

Tabelimi ataaniittumi aalisariutitut tamanut sunniutit takuneqarsinnaapput:

	Aalisariutit tassaapput:		
	Aalisarsinnaanermut akuersissummik pigisaqartut qulit	Aalisarsinnaanermut akuersissummik pigisaqartut 20-t	Allann gortitsineq
Pisat annertussusaat, tonsit	300	300	-
Kaaviiartitat	4.500.000	4.500.000	-
Aningaasartuutit assigiinngitsut	1.500.000	1.500.000	-
Aningaasartuutit aalajangersimasut	200.000	400.000	200.000
Aalisariummi iluanaarutit tamakkerlugit	2.800.000	2.600.000	200.000

Assersuummi piviusuunngitsumi ajornaallisakkami aalisarnermut akuersissummik pigisaqartut quliniit 20-inngortinneratigut aalisariummi iluanaarutit -200.000 kr.-nik ikilineqarput.

2) Pissutsit taamaannerat aaqqiiviginiarlugu Naalakkersuisut qanoq iliulersaarpat?

Akissut: Aningaasanut inatsit pillugu isumaqatigiinnermi Naalakkersuisut nutaat ilaatigut sinerissap qanittuani aalisarneq pillugu suliassaqarfimmut pilersaarusiussasoq naatsorsuutigineqarpoq tassanilu apeqqut suliarineqassaaq.

3.11. Immikkoortoq 4.3.2, Pisortani aaqqissuussaaneq, qupperneq 117

- b) Kommunit maanna aaqqissuussaanerannik pilersaarutit malinneqarsimappat aammalu kommunit suliassaattut naatsorsuutigineqartut piviusunngortinneqarsimappat?

**Apeqqut:**

Malitassat allattorsimaffiannik aalajangersaasoqarsimanngitsoq Naalakkersuisut paasissutissiissutigaa. Namminersorlutik Oqartussat kommunillu akornanni suliassanik tunniussinissami Naalakkersuisut qanoq pingaarnersiuisimanersut paasissutissiissutigineqassasoq ataatsimiititaliamit kissaatigineqarpoq?

Akissut: Naalakkersuisut ataatsimut tapiissut pillugu isumaqatigiinniarnermut atatillugu suliassaqaqfinnik nuussisinnaatitsissummik pilersaarusiortut paasissutissiutigineqareerpoq. Tassunga atatillugu eqqaaneqareersutut Namminersornerullutik Oqartussat kommunillu akornani, sanaartornermut tunngasut aamma suliassat piniarnermut aalisarnernullu tunngasunik ukiuni qaninnerni nuussinissamut piareersarnerit pingaartillugit, naalakkersuinikkut ataqatigiissarisartoqatigiinni periusissaq isumaqatigiissutigineqarpoq. Suliassaq nunaqaqfinni isorliunerusunilu sanaartornermut inissianullu tunngasoq januaarip aallaqqaataani 2017-imiit nunneqassangatinneqartoq 2017-imut isumaqatigiissummi pingaartillugu eqqaaneqarpoq.

Kommunit suliassaqaqfinnik, innuttaasunut qanillattornissamut pingaaruteqartitsisunik, tigusinissaminnut piareersimassusaat Naalakkersuisut pingaartippaat. Taakkunanilu kommunit peqatigalugit isumaqatigiinniarnerni aalajangersimasuni suliassaqaqfiit nassuiarneqassapput piffissaliussallu isumaqatigiissutigineqarlutik. Suliassaqaqfinnut pilersaarusiorneq, suliassaqaqfinnik sorliit nuunnissaanik ersarissaasusaaq, isumaqatigiinniarnissamut pingaaruteqarpoq.

3.14. Immikkoortoq 4.3.7, Utoqqarnut tunngasut, qupperneq 123

- b) Suliassaqaqfimmil tamatumani kommunit ikiorneqarnissamik pisariaqartitsinerat qanoq annertutigiva?

**Apeqqut:**

Naalakkersuisut akissutaata itisilerneqarnissaa ataatsimiititaliamit kissaatigineqarpoq? Ikiorneqarnissamik pisariaqartitsisoqarnera kommuninit oqaatigineqarsimava?

Akissut: KANUKOKA kommunillu ataasiakkaat Puigortunngornermik Napaatilinnut Pilersaarummut akisussaanerannut atatillugu ikiorteqarusunneq pillugu peqqissutsimut naalakkersuisoqarfimmul saaffiginnissimanngillat.

3.15. Immikkoortoq 4.3.8, Innarluutilinnut tunngasut, qupperneq 124

- a) Najugaqatigiiffinnik pisariaqartitsineq qanoq annertutigiva suliassaqaqfimmullu tamatumunnga Naalakkersuisut pilersaarutaat suuppat?

**Apeqqut:**

Naalakkersuisut akissutaata itisilerneqarnissaa ataatsimiititaliamit kissaatigineqarpoq? Najugaqatigiiffinnik amerlanerusunik pisariaqartitsisoqarnera kommuninit oqaatigineqarsimava?

Akissut: Kommunalbestyrelsi pisariaqartitsineq naapertorlugu illersukkanik inissiorsimapput, annertuumik innarluutilit ikiorserneqartarnerat pillugu Namminersornerullutik Oqartussat nalunaarutaanni § 43 takuuk. Inissiat inissiornerillu kommunit suliassaqarfigaat, taamaattumik tamanna akineqarsinnaanngilaq.

3.16. Immikkoortoq 4.3.9, Peqqissutsimut pinaveersaartitsinermullu tunngasut, qupperneq 124

- c) Suliarineqarnissaminut utaqqisut pillugit kisitsisit killiffillu ataatsimiititaliamit piumaneqarput.

**Apeqqut:**

Immikkut ilisimasaqarfinni ataasiakkaani sivisunerpaamik qanoq sivisutigisumik utaq-qisoqartarnissaa Naalakkersuisunit aalajangersarneqarsimava?

Akissut: Peqqinnissaqarfimmik aqutsisut maannamut immikkut ilisimasaqarfinnut ataasiakkaanut utaqqisarneq sivisunerpaaffissamik suli aalajangersaannngillat. Utaqqisarnerup sivisussusaa taassumalu ineriartornera pillugit ingasappallaalerpata aqutsisut tamanna pillugu eqqartuisussanngorlugit aggersarneqassapput. Utaqqisarnermik sivikinnerpaaffiliineq politikikkut aalajangerneqartarpoq.

3.17. Immikkoortoq 4.3.10, Akiitsoqarneq akiitsoqalernissamillu pitsaaliuineq, qupperneq 126

- b) Taakkunannga inisseqqinneqartut qassiuppat illoqarfinnilu sorlarni inisseeqqittoqarnerusarpa?

**Apeqqut:**

Narsami Qaqortumilu inisseqqitat amerlangaatsiarmata ataatsimiititaliamit maluginiarneqarpoq. Sooq taamaattoqarnersoq paasissutissiissutigineqassasoq ataatsimiititaliamit kissaatigineqarpoq.

Akissut: Ataatsimiititaliap paasissutissiinerat eqqortuuvoq. Akiligassat akiligassanillu allanngortitsisarneq pillugit nassuiaammi naammassineqalersumi allassimavoq illoqarfiit akornanni najugaqarnermut akiitsut anisitsinerillu akornani assigiinngitsorujussuupput. Uani ilaatigut ersarissarneqassaaq Narsaq illoqarfiummat annertuumik ajornartorsiutilik. Taassuma saniatigut nassuiaammi saqqummertussami allassimavoq illoqarfiit akornanni assigiinngissutsit assigiinngitsuinik amerlasuumik peqquteqarsinnaammata, soorlu

- Aningaasaqarnerlunneq makkunatigut takuneqarsinnaasoq
- Illoqarfinni taaneqartuni innuttaasut isertitaasa agguaqatigiissinnerisa nikingassutaat
- Inuttaasut akiitsuisa agguaqatigiissinnerisa nikingassutaat
- Inuttut ajornartorsiutit assigiinngitsut assersuutigalugu ajornartorsiutit kingornussanit namminerlu aningaasaqarnermut pingaarnersiuinikkut isummat assigiinngitsunit, atornerluinermit allanillu saqqummersinnaasut, pissuserissaarneq.
- Illoqarfiit akornanni assigiinngitsumik allaffissornikkut ingerlatsineq.

3.18. Immikkoortoq 4.4. Atugarissaarnikkut sullissutinik, akileraarusersueriaatsimik ineqarnermullu tunngasunik aaqqissuusseqqinnikkut imminut pilersorsinnaanerup annertusarnera, qupperneq 126

- f) Naalackersuisut qupperneq 130-mi paasissutissiissutigaa ullumikkut suliaasaqarfiit ilaanni sunniivigeqatigiinnermi ajornartorsiuteqartoq, innuttaasut ilaasa akiitsoqalersootarnerannik kinguneqartartumik. Tamatuma itisilerneqarnissaa ataatsimiititaliamit kissaatigineqarpoq.

**Apeqqut 1:**

Tamanna ataatsimiititaliamit ima paasineqassava ajornartorsiut SIK-mit tikkuarneqartoq Naalackersuisunit iliuuseqarfigineqalersaartoq?

Akissut: Naalackersuisut Attassisinnaanissamut Siuarsaanissamullu pilersaarutaanni Aaqqissuusseqqinnermi malitassaq 4-mi allassimavoq Naalackersuisut ajornartorsiut tamanna ukkakaat. Pilersaarummi suliniut 11 pisortanit ikiorsiisarnermut aaqqissuusap naleqqussarnissaanut tunngatinneqarpoq, ilaatigut pisortanit ikiorsiisarnermut aaqqissuusap aaqqissuusseqqinnissaq pillugu isumasioqatigiinneq ingerlanneqaqqammersoq kiisalu akiligassat akiligassanillu akilersuineq pillugit isumassarsioqatigiinneq, aaqqissuusseqqinnermi iliuuseqartoqartariaqarneranik isumaqatigiiffiusoq, tunngavigalugit. Peqatigisaanik akiligassanik akiligassanillu akilersuineq pillugit nassuiaammi nassuiarneqarpoq, aaqqinnissaanullu atatillugu kaammattuuteqartoqarnissaa naatsorsuutigineqarpoq.

- h) Suliffeqarnermut ilanngaat akileraartarnermut ineqarnermullu aaqqissuusseqqinnissaq ilaatut Naalackersuisunit qupperneq 127-mi taaneqarpoq. Tamanna Naalackersuisut qanoq piviusunngortilersarpaat?

**Apeqqutit 2:**

- 1) Tamanna ataatsimiititaliamit ima paasineqassava suliffeqarnermut ilanngaat pillugu siunnersuummik siusinnerusukkut saqqummiussinissaq Naalackersuisunit pisariaqartutut isigineqanngitsoq?

Akissut: Naalackersuisut tunngaviatigut suliffeqarnermi ilanngaattissatut siusinnerusukkut siunnersuutigineqartoq kissaatigigaluarpaat, kisianni pissutsit sulisullu eqqarsaatigalugit siusinnerusukkut siunnersuuteqartoqarsinnaanngilaq. Taamaattumik suliffeqarnermi ilanngaat inatsisissatut siunnersuutaannartut isigineqarsinnaanngilaq, ilaatigulli suliffeqarnermut isumaginninnermullu politikkit ilanngullugit suliniutitut isuigineqartariaqarpoq.

- 2) 2016-imit 2018-imut ukiuni ataasiakkaani akileraartarnermik ineqarnermillu aaqqis-suusseqqinnermik suliaq qanoq pilersaaruteqarfigineqarpa?

Akissut: Akileraartarnermut ineqarnermullu aaqqissuusseqqinneq ilaatigut Naalackersuisut Attassisinnaanissamut Siuarsaanissamullu pilersaarutaanni Aaqqissuusseqqinnermi malitassaq 4-p ataani qulequttani Imminut Pilersorneq-mi aamma Imminut Inissaqartissinnaaneq-mi, immikkut aalajangersimasunik suliniutitaqartuni, nassuiarneqarpoq.



Konto pingaarneq 20.11.51 Aaqqissuusseqqinnerit sunniutaat-nut missingersuutitut ilanngussaq ukiuni aggersuni suliniutissani taaneqartut saqqummiunneqarnissaannut piffissaliussatut anguniakkanik imaqarpoq. Taassuma saniatigut 2016-imut aningaasanut inatsit pillugu isumaqatigiinniarnermut atatillugu ineqarnermut aaqqissuusseqqinnissamut ineqarnermut politikkimut naleqqanik ilanngussisoqarnissaa ugartorneqarpoq. 2017-imut aningaasanut inatsit akuersissutigineqarneranut taassumalu isumaqatigiinniarnernut atatillugu Akileraartarnermut ineqarnermullu aaqqissuusseqqinneq, tassunga attuumassuteqartut ilaatinniarnissaat ilanngullugu, sukumiinerusumik pilersaarusiortoqassaaq.

Taassuma saniatigut Naalackersuisunngorlaat missingersuutitut ilanngussami suliniutit taaneqartut pillugit allatut pingaarnersiuisinnaapput.

3.22. Immikkoortoq 5.1.3, Attaveqarneq – umiarsualiviit mittarfiillu, qupperneq 135

b) Sakkutooqarfimmit aammalu upalungaarsimanermut atatillugu Kangerlussuup atorneqarnera eqqarsaatigigaanni Kangerlussuup mittarfeqarfittut nalinginnaasutut siunissami atorneqarnissaa qanoq ippa? aamma

e) Narsarsuarmi mittarfik qanoq pilersaaruteqarfigineqarpa?

Narsarsuarmi Kangerlussuarmilu mittarfiit attaveqaateqarnermut tamarmiusumut ilaatinneqaannarnissaannik, ingerlanneqarnerisali angallannermi pisariaqartitanut atuuttunut naleqqussarneqarnissaannik kissaateqarnertik Naalackersuisut paasissutissiissutigaat.

Taama oqarneq ataatsimiititaliamit ima paasineqarpoq; mittarfiit taakku maannatut ingerlaannassanngitsut aammalu ingerlaannarnissaannut apeqqutaasoq qanoq annertutigisumik angalasoqarnissaa. Naalackersuit akissutaat ataatsimiititaliamit maannangaaq ima paasineqarpoq; takornariaqarnermik ingerlatsineq angallannermi pisariaqartitanut pingaarnertut aalajangiisuussasoq.

**Apeqqut:**

Siuliani allassimasut tunngavigalugit Naalackersuisut akissutaat itisilerneqassasoq ataatsi-miititaliamit kissaatigineqarpoq.

Akissut: Naalackersuisut Kangerlussuarmi siunissami timmisartortitsisarnerit ilusissaat maannamut aalajangersarsinnaanngilaat taamatuttaaq mittarfik qanoq atugaatigissanersoq. Naalackersuisulli Kangerlussuup atorluarsinnaanernut periarfissat tamaasa atorluarneqaqqaat – taamatuttaaq takornariaqarnermut inuussutissarsiuteqartunullu allanut atatillugu. Taamaattumik tamakku pissutsit siunissami mittarfiup ingerlanissaanut aalajangiisuussapput.

Danskit sakkutuuisa mittarfimmik atuisinnaanernut atatillugu Danskit Sakkutuusia namminneq suliassaminnik aaqqissuussinerannut, mittarfinnillu sorlernik atuinerannut, peqataanissaq pingaarteqarpoq. Piffissanngorpat danskit sakkutuuinik allanillu soqutigisaqartunik tamanna pillugu oqaloqateqarnerit

aallartikkumaarput. Taamaakkaluortoq ersarissarneqassaaq Kalaallit Nunaanni mittarfeqarnikkut attaveqaatit danskit sakkutuuisa pisariaqartitaannik tunngaveqassanngimmata, Kalaallit Nunaatali pisariaqartitai tunngavigineqassallutik. Mittarfiit aaqqissuussaannissaat nutaaq mittarfiillu nutaat pillugit Inatsisartut aalajangiiffigisaannut Danskit sakkutuui allaffissornikkut suleqataasinnaarpassipputtaaq.

Peqatigisaanik Narsarsuami mittarfimmik ingerlatsineq siunissami timmisartortitsisarnernut angalaffissatullu kissaatigisanut naleqqussarneqassaaq. Kiisalu Naalakkersuisut Narsarsuarmi periarfissat atorluarneqarsinnaasut atorluarneqarnissaannut attaveqaqatigiinnikkut (infrastruktur) ikiorsiinissartik pingaartippaat.

### 3.25. Immikkoortoq 5.4, AIS 2017-imi aningaasartuuteqarnerunerit, qupperneq 139

- a) AUL-ip amigartooruteqarnissaanut qularnaveeqqusiineq ukiuni arlalinni ingerlaannartussatut Naalakkersuisunit naatsorsuutigineqarpa?

#### **Apeqqut:**

- 1) Unammilleqatigiinnermik tunngaveqarluni ingerlanneqarsinnaasut Naalakkersuisunit qanoq naatsorsuuteqarfigineqarpat?

Akissut: Naalakkersuisut unammilleqatigiinnermik tunngaveqarluni ingerlanneqarsinnaasut pitsaanerpaamik tapersorsorusuppaat. Arctic Umiaq Linelli ingerlatassani niuernikkut atugassarititaasuinnaat malillugit ingerlassinnaanngikkai Naalakkersuisut naliliipput. Naalakkersuisut sinersortaateqarneq Arctic Umiaq Linemit ingerlanneqaannarnissaa kissaatigaat, taamaammallu tassunga aningaasaliissutit Aningaasanut Inatsimmi pingaartinneqassasut kissaatigalugu.

- 2) Suliassaqarfimmi angallannikkut ingerlatat isumagineqarnerat kiffartuussinissamik isumaqatigiissutissatut pilersaarutigineqartut kingunerisaannik qanoq allannguuteqartussatut Naalakkersuisunit naatsorsuutigineqarpa?

Akissut: Naalakkersuisut Royal Arctic Line / Arctic Umiaq Line ingerlatassat pillugit tamanna pillugu aaqqiinissamut angallannermut suliassap imaa pillugu oqaloqatigaa. Naalakkersuisut maannamut sullissinerup allanngornissaa tunngaviatigut naatsorsuutiginnilaat.

#### 4. Suliassaqarfik 10 - 12 Naalackersuisut Siulittaasuat

##### 4.2 Konto pingaarneq 10.06.10 Partiit qineqqusaarnissaannut tapiissutit

- c) Kingullermik kommunimut qinersinermi taasinerit agguataagaanerat tunngavigalugu tapiissutit taasinerimut ataatsimut 50 kr.-nik annertussuseqartut nuna tamakkerlugu qineqqusaarnerup ingerlanneqarnissaannut naammattutut Naalackersuisunit isigineqarpat?

##### **Apeqqut:**

- 1) Kommunit kattunnerisigut kommuninut qineqqusaarnerni nunap immikkoortuata annertunerujussuup naalackersuinikkut partiinit qineqqusaarfigineqartussanngornerata nassatarisaanik akisunerulersimanera Naalackersuisut ilanngullugu isiginiarsimavaat?

Akissut: Kommunit qineqqusaarnernut atatillugu kommunit kattutereersut, najugaqarfii allanngunngikkaluartut, nunaasa immikkoortui anginerusussatut partiit isumaqartut Naalackersuisut oqaatiginikuuat. Tassunga atatillugu Naalackersuisut oqaatigissavaat, partiinut qineqqusaarnissaannut tapiissut partiit politikikkut suliaqarnerannut tapiissutip saniatigut tunniunneqartartuusooq, taamaattumillu qineqqusaarnissaannut tapiissut partiit aningaasartuutaannut tamakkiisumik matussusiissasoq naatsorsuutigineqarluni. Naalackersuisut isumaqarput, partiit aningaasaliunneqartut naapertorlugit pitsaanerpaamik qineqqusaarnissaminnut pilersaarusiortassasut, pissutigalugu tapiissut aningaasanut inatsimmi aningaasaliissutigisassatut piumasaqaatinit uuttugaammat.

- 2) Kiisalu kommuninut qinersinerimut tapiissutit Inatsisartunut qinersinermit sooq allaanerussanersut paasisutissiissutigineqassasoq ataatsimiititaliamit kissaatigineqarpoq.

Akissut: Inatsisartunut qineqqusaarnerit Kalaallit Nunaat tamakkerlugu ingerlaneqartarput, kommunalbestyrelsinulli qinersinersinerni kommunit tamarmik immikkut nunap immikkoortukkaarlugit ingerlanneqartarlutik. Aningaasaliinermut piumasaqaatit Konto pingaarneq 10.06.10 Partiit qineqqusaarnissaannut tapiissutit-mut missingersuutinut ilanngussani taaneqartut naapertorlugit tapiissutip annertussusaa aalajangersarneqarpoq, tamannalu Inatsisartuni partiit akuerinikuuat.

##### 4.3 Konto pingaarneq 10.13.10 Iluanaarutit, aktianit piginneqataaffinniit piginneqataassutit tunisinerillu

- a) Isertitat 2016-imit 2017-imut ikileriaateqarnissaannik aammalu ukiut missingersuusiorfiusut ingerlaneranni isertitat amerleriarnissaannik Naalackersuisut naatsorsuutiginninnerat sumik pissuteqarpa?

##### **Apeqqut:**

Naak ingerlatseqatigiiffiup kaaviiartitai Royal Greenlandimit annikinnerugaluartut Polar Seafoodip sinneqartoorutai Royal Greenlandip sinneqartoorutaanit amerlanerunerannut suut pissutaasinnaappat?

Akissut: Ukiumoortumik nalunaarusiat eqqarsaatigalugit ingerlatseqatigiiffiit inernerisa assigiinngissusaannut pissutaannik naliliinissamut Naalackersuisut

tunngavissaqarsorinngilaat. Aningaasaqarnermut Akileraartarnermullu Ataatsimiititaliaq ingerlatseqatigiiffiit inernerannut tunngatillugu paasissutissani paasisaqarnerorusussappat, paasissutissat ukunani nassaarineqarsinnaapput:

Royal Greenland: <http://www.royalgreenland.com/da/royal-greenland/om-royal-greenland/fakta-og-nogletal/>

Polar Seafood Denmark A/S:

<http://regnskaber.cvrapi.dk/77696311/ZG9rdW11bnRsYWdlcjovLzAzL2U0L2VhLzZmLzAwLzUzZmQtNDljOS1hOGNILTl2NmUxOWUxYjBiNQ.pdf>

#### 4.4 Konto pingaarneq 12.01.01 Kalaallit Nunaata Københavnimi sinniisoqarfia

Københavnimi sulisut qulit missaat Nuummi Naalakkersuisoqarfinnut aqutsisoqarfinnullu suliasanik isumaginnittuusut Naalakkersuisut oqaatigaat. Suliassat taakku Kalaallit Nunaanni ingerlanneqarsinnaannginnerat sunik pissuteqarpa?

Naalakkersuisunut ilaasortat, Inatsisartunut ilaasortat, qitiusumik allaffeqarfimmeersut, Namminersorlutik Oqartussat suliffeqarfiutaanneersut kommuneersullu Københavnimiinneranni sullinneqarnerat sooq Kalaallit Nunaannit ingerlanneqarsinnaanngila?

#### **Apeqqut 1:**

Atorfiit atorunnaarsinneqartut tiguneqartullu tamarmik sooq 1. januar 2017-imi pisussaannngortinneqarsimappat?

Akissut: Akissummi oktobarip aqqaneq aappanni 2016-imeersumi, imm. 4.4-mi sulisut ikilinnissaannik allassimasoqanngilaq kisianni Kalaallit Nunaata Naalakkersuisoqarfiata ataani Naalakkersuisut Siulittaasuata Naalakkersuisoqarfiani atorfik januaarip aallaqqaataani 2017-miit atorunnaarsinneqarnissaa angerlaanneqarnissaaluunniit paasissutissiissutigineqarpoq. Tamanna Naalakkersuisut Siulittaasuata Naalakkersuisoqarfianit aalajangersimasumik naliliineranik tunngaveqarpoq.

## 5. Suliassaqarfik 20 - 24 Aningaasaqarnermut Aatsitassanullu Naalakkersuisoq

### 5.2 Konto pingaarneq 20.05.20 Kommuninut ataatsimoortumik tapiissutit

- c) Kommuninik nutaamik agguataarisooqarsinnaanerata kingunerisinnaasai pillugit sulineq Naalakkersuisunit ingerlateqqinneqarpa?

#### Apeqquut:

Ataasiartumik aningaasartuuteqartoqarnissaanik Aningaasaqarnermut Aatsitassanullu Naalakkersuisup oqarnera Naalakkersuisut akissutaannut qanoq naapertuussuseqarpa?

Akissut: Ilisimaneqareersutut Naalakkersuisut kommunini suliassaqarfiit aaqqissuussaanerisa aaqqissuuteqqinnerata allangortinneqarnerat pillugu Inatsisartut inatsisissaattut siunnersuuteqarnikuupput (UKA2016/117). Inatsisissatut siunnersuut ataatsimiititaliap suliassanngorlugu innersuunneqarpoq, Qaasuitsullu agguataarneqarnerata kingunerisaanik Nunatta Karsia ilanngaaffiginissaanut imaluunniit Nunatta kommunii allat saniatigut aningaasartuutilersornissaannut aalajangiisoqannginnerani inatsisissatut siunnersuutip ataatsimiititaliamit suliarineqaqqaarnissaa Naalakkersuisut eqqortuunerpaasoraat. Naalakkersuisut naliliinerat ilaatigut inatsisissatut siunnersuutip siullermeerneqarnerani Inatsisartut Qaasuitsup kommunia agguataarnissaanut Naalakkersuisut siunnersuutigisaannit allaanerusunik periarfissanik allanik misissorneqarsinnaasunik nassaartorsimanerannut tungaveqarpoq.

Kommunip agguataarnissaanut atatillugu Nunatta Karsiata killilimmik ataasiartumik qitiusumit akilernerqartussamik aningaasartuuteqarnissaanut maanna Aningaasaqarnermut Aatsitassanullu Naalakkersuisuusimasup periarfissaqarnerarsimagaa eqqorpoq. ataasiartumik aningaasartuutit taamaattut assersuutigalugu kommunimik saniatigut allamik suliaqarsinnaanissamut Akileraartarnermut Aqutsisoqarfimmi qarasaasiatigut atortutigut naleqqussaannissamut atornerqarsinnaapput. Tamanna pillugu eqqarsaatersuutit ataatsimiititaliap inatsisissatit siunnersuummik suliaqarnerani ilanngunneqarnissaat naatsorsuutigineqarpoq.

Eqqarsaatersuutinut taamaattunut pissusissamisuussaaq ataatsimiititaliap kommuni 2016-imi naatsorsuutiginngisamik akileraartartunit issertitaqarnerusimaneramik paasisimasaqarnissaat, 2017-imilu akileraartartunit isertitat taamaaginnarnissaat naatsorsuutigineqarpoq.

2016-imi januaarimit aggustimut akileraarutinik A-nit isertitat 2015-imi isertitanut sanilliullugit katillugit 153 mio. kr.-nik amerleriarsimapput. 8 pct.-inik amerleriarpot. Kommunit akileraarutinik A-nit isertitanit 76 pct. missaaniittunik kommuninut akileraarutinngorlugit ataatsimullu kommunimut

akileraarutinngorlugit pisarpaat. Namminersornerullutik Oqartussat sinneri 24 pct. missaaniittut pisarpaat.

Tassa imaappoq kommunit ukioq manna 120 mio kr.-t missaaniittunik naatsorsuutaanngitsunik isertitaqarnerullutik.

#### 5.10 Konto pingaarneq 20.11.51 Aaqqissuusseqqinnerit sunniutaat

##### **Apeqqut:**

Ingerlatseqatigiiffiit akileraarutaannik appaaneq konto pingaarnermut matumunnga qanoq sunniuteqassava?

Akissut: Naalakkersuisuusimasut inuussutissarsiortut akileraartarnerannut aaqqissuusseqqinnerisa peqatigisaanik ingerlatseqatigiiffiit akileraarutaannik appaasoqarpoq. Kalaallit Nunaani suliffeqarfimmik ingerlatsineranut atugassarititanik pitsanngorsaaneq aaqqissuusseqqinnerup siunertaraa aamma sukaterinertalimmik akileraarutaasartussamik appaanikkut suliffeqarfiit iluanaarutaasa amerlanertaat Kalaallit Nunaannut nakkartalernissaat anguniarneqarpoq taamaaliornikkullu siunissami aningaasaliisarnerit annertusissapput taamaaliornikkullu namminersortuni suliffissat amerlineqarlutik.

inuussutissarsiortut akileraartarnerannut aaqqissuusseqqinneq konto pingaarneq 20.11.70 Suliniutinut nutaanut sillimmatit-mi AIS 2017-imut ilanngunneqarsimasoq 2018-imi 2019-milu 5 mio. kr.-nik 2020-milu 10 mio. kr.-nik tapersiinissaa naatsorsuutigineqarpoq, tassa ukiut sisamat ingerlaneranni katillugit 20 mio. kr.-nik.

Inatsisissatut siunnersuutip saqqummiunneqannginnerani aningaasanut inatsit pillugu aningaasanut inatsimmut isumaqatigiissutissami tamanna pillugu kingunerisassat naatsorsuutigisat matussuserniarlugit suliffeqarfinnut akileraarutaasartussamik appaanissaq pillugu misissueqqissaartoqassaaq. Naalakkersuisut matumuuna allannguutissatut siunnersuuteqarnissartik naatsorsuutigaat.

#### 5.17 Konto pingaarneq 20.30.02 Piginnaasanik ineriartortitsineranut aningaasat immikkoortitat

Immikkoortitat aningaasartaat najukkani sulisussarsiniartarnerup nukittorsarneqarnissaanut, sulisut sulisoriinnarnissaannik sulisullu naammagisimaarinninnerannik annertusaanissamut atorneqassasut missingersuutinut ilanngussami allassimavoq.

- a) Suliniuteqarfissanut taakkununnga uuttuutissanik Naalakkersuisut suliaqarsimappat?

##### **Apeqqut:**

Nunanit sanilliunneqarsinnaasunit kisitsisinik sanilliussissutigineqarsinnaasunik peqarnerisoq paasissutissiissutigineqassasoq ataatsimiititaliamit kissaatigineqarpoq.

Akissut: Aningaasaqarnermut Sulisoqarnermullu Aqutsisoqarfiup (ASA) sulisut naammagisimaarnerannut atatillugu nunanit allanit kisitsiseqartoq ilisimavaa. Suliffimmi pissutsit nunallu assigiinngitsut akornani kulturit assigiinngitsuuneri pissutigalugit sanilliuassinisaaq ajornakusoortoq ASA naliliivoq. ASAp Kalaallit Nunaanni Sullivinnik Nakkutilliisoqarfik, Naatsorsueqqissaartarfik aamma pisortatigut oqartussat anginerit suliassaq pillugu kalaallit kisitsisaataateqarnissaat pillugu suleqatigai.

Peqatigisaanik nuna tamakkerlugu suliffeqarfiit akornanni sulisunik atatitsiniarneq atorfinitsitsisarnerlu pillugit sanillersuussinermi sanilliuksinerup tungavia naammannaviannigilaq pissutigalugu suliffeqarfiit assigiinngitsorujussuummata, ASA naliliivoq. Sulisut taarserarnerannut napparsimasarnerannullu atatillugu ASA Namminersornerullutik Oqartussani sanilliuksinermut tungavissamik pilersitsiniarluni sulissuteqarpoq. Naatsorsueqqissaartarfik sulisut taarserartarnerat pillugu assingusumik sulissuteqartoq ASAp ilisimavaa. Pineqartoq pillugu kisitsisit siunissami suliniutissani uuttuinissamut toqqammaviliissapput.

#### 5.26 Konto pingaarneq 24.11.11 Qamutinut motorilinnut akitsuutit

- b) Qamutit motorillit nunalerinermi atorneqartut akileraarutitigut akitsuutitigulluunniit akikillisaavigineqarnissaat Naalakkersuisut pilersaaruteqarpat?

#### **Apeqqut:**

Nunalerinermi qamutinut motorilinnut immikkut maleruagassaqarpa aammalu nunalerinermi maskinat akitsuutitigut qanoq annertutigisumik isertitsissutaasarpap?

Akissut: Naamik, qamutinut motorilinnut akitsuutit pillugit inatsimmi nunalerinermi qamutinut motorilinnut immikkut maleruagassaqaqqanngilaq. Qamutinut motorilinnut akitsuutit pillugit inatsit naapertorlugu nunalerinermi qamutit motorillit akitsuuteqartinneqaqqanngillat taamaamat taakkuninnga pissarsiat 0 kr.-upput.

#### 5.28 Konto pingaarneq 24.11.13 Umiarsualivimmiinnermut akileraarutit

AIS 2016-ip suliarineqarnerani ataatsimiititaliaq ima apeqquteqarpoq:

- a) "Angallatit motorillit angallatillu tingerlaatillit mikinerit nammineq pigisat umiarsualivimmiinnermut akileraaruserneqarnissaat kissaatigineqarpa"

#### **Apeqqut:**

- 1) Tamanna akileraartarnikkut akitsuusiisarnikkullu aqqissuusseqqinnerup kingorna inissinneqassasoq ataatsimiititaliamit naatsorsuutigineqarsinnaava?

Akissut: Aap, umiarsuarnit allanit iluanaarutit annertussusaat takornariat umiarsuaannut sanilliullugit umiarsuarnit taakkunanit akitsuutit ullumikkornit allaanerumik akileneqartassaneranik eqqarsaatersuutaagallartut ilagaat.

- 2) Angallatit tingerlaatersortut qanoq amerlatigisut nunatta sineriaani angalasarnersut Naalakkersuisunit kisitsisaatigineqarpa aammalu taakku sulinererat nakkutilliivigineqarpa?

Akissut: Angallatit tingerlaatersortut qanoq amerlatigisut nunatta sineriaani angalasarnersut Naalakkersuisunit kisitsisaatigineqanngillat angalasarnerilu nakkutigineqartarik. Taamatullu nakkutilliinissamut pisariaqartitsisoqarsorineqanngilaq.

5.31 Konto pingaarneq 24.11.26 Aalisakkanut ikerinnarsiortunut akitsuut

**Apeqqut:**

Akitsuutinit iluanaarutit amerlanaarlugit ukiuni kingullerni missingersuusiortarnerat Naalakkersuisunit isiginiarneqalersaarpa?

Akissut: Naalakkersuisut 2017-imut aningaasanut inatsisissatut siunnersuummik aappassaaneerinninnermi 2016-imi avaleraasartoornermik piviusunngortitsinerup kingunerisaanik iluanaarutit appartinniarlugit allannguutissatut siunnersuuteqassapput. 2017-imi pisassiissutigineqarsimagaluartoq 2016-imi pisassiissutitut piviusunngortinneqarsimasumit 2017-mi isertitanut missingersuutip annertunertaanut piviusunngortinnissaa 2016-imi piviusunngortitsinissamiit tulluarnersassoq naatsorsuutigineqarpoq.



## 6. Suliassaqarfik 27 - Inuussutissarsiornermut, Suliffeqarnermut, Niuernermit Nunanullu Allanut Naalakkersuisoq

### 6.1 Konto pingaarneq 27.01.02 Bruxellesimi Sinniisoqarfik

Nunanut allanut niuernermit aammalu nunat tamalaat aningaasalersuisarnerannut tunngasutigut naalakkersuinikkut oqartussaaffiit immikkut ittut Namminersorlutik Oqartussat allaffeqarfiani sumi isumagineqartarpat?

#### Apeqqut:

500 mio EURO-nik issittumi taarsigassarsisitsinnaaneq nunatsinni atorqeersimanersoq paasissutissiissutigineqassasoq ataatsimiititaliamit kissaatigineqarpoq?

Akissut: Den Nordiske Investeringsbankip nittartagaani allassimavoq Kalaallit Nunaanni pilersaarutinut pingasunut maannamut atukkiisimasoq. Taakku pilersaarutit pingasut tassaapput Ilulissat eqqaani erngup nukinganik nukissiorfik, Sisimiut eqqaani erngup nukinganik nukissiorfik kissalu immap naqqatigut kabelilersuineq naammassereersoq.

Immikkuullarissumik 500 mio. EURO-nik nunani issittumiittunut taarsigassarsititsinerup 2015-imi pilersinneqarnerata siornatigut taarsigassiissutit tunniunneqarput. Den Nordiske Investeringsbankimi immikkuullarissumik nunani issittumiittunut taarsigassarsititsisarneq atorlugu Kalaallit Nunaanni pilersaarutinik maannarpiq ingerlatsisoqanngilaq.

### 6.2 Konto pingaarneq 27.01.03 Northern Periphery and Arctic-imut Kalaallit Nunaata tapersiissutai

Suliassami kisitsisit aningaasat sunut tunniunneqartarnerannik nassuiaataasut ataatsimiititaliamit ujartorneqarput.

- a) Aningaasaliissutinit ullumikkut pissarsissutaasartut Naalakkersuisunit qanoq nalilernerqarpat?

#### Apeqqut:

NPA-mi pilersaarutini akuerineqartuni kalaallit peqataasut arfiniliusut Naalakkersuisut paasissutissiissutigaat. Pilersaarutit suut tamatumani pineqarnerisut paasissutissiissutigineqassasoq ataatsimiititaliamit kissaatigineqarpoq.

Akissut: Nunanut Allanut Pisortaqarfiup siusinnerusukkut paasissutissiissutigaa suleqatigineqartut Kalaallit Nunaanneersut arfiniliusut, pilersaarutit amerlassusaat eqqortoq tassaavoq arfineq marluk. Circular Ocean pilersaarummi Center for Arktisk Teknologi (ARTEK) suleqatigisaq Kalaallit Nunaanniinnani Danmarkimi allassimasimanagera paatsoortitsisimavoq. ARTEK tassaavoq KTI-p (Kalaallit Nunaanni Tekniskikkut Ilinniarfik) aamma Danmarks Tekniske Universitetip suleqatigiiffiat. Nunanut Allanut Pisortaqarfiup NPA allatseqarfik kukkuneq pillugu paasitippaa kingornalu aaqinneqarluni.

suleqatigineqartut Kalaallit Nunaanneersut NPA pilersaarutini arfineq marlunni ukunani ilaapput: Craft Reach, BusK, e-Lighthouse, NEES2, REGINA, Rye Connect aamma Circular Ocean.

### **1. Craft Reach**

Pilersaarutip siunertaraa sanasunut suliffeqarfiit isorliunerusuniittut niuernermet periusaannik pitsanngorsaannikkut nunanullu tamalaanut tulluarsarneqarneratigut ineriartortinnissaat. Pilersaarut immikkoortuni 'suliffeqarfinnik pilersitsiniarneq'-miippoq (NPA programmip pingaarnersiuner 2) SMV-nullu taperseeriaatsinut pitsanngorsakkanut pingaartitsilluni.

### **2. BusK (Building Shared Knowledge capital to support natural resource governance in the Northern periphery)**

Pilersaarut BusK-ip suliffeqarfissuit pinngortitamut sammisaqartut, ilaatigut najugaqarfimmi nunaminertaq sumut atornissaanik pilersaarutininik suliaqartartut, ilisimasaannik ingerlatitseqqinnissaq ataqatigiissaarinissarlu siunertaraa. Pilersaarut immikkoortuni 'Pinngortitami kulturimilu kingornussat'-miippoq (pingaarnersiuneq 4) avatangiisimilu annertunerusumik piujuartitsilluni ingerlatsinissamut siunertaqarluni.

### **3. e-Lighthouse**

Pilersaarutip siunertaa tassaavoq assersuutigalugu pisortat sanaartugaataanni 250-ini amerlanerusuni ikkussueqqinnissamut tapiinikkut malitseqartitsinikkullu sanaartukkani nukinnik sipaarnissaq. Pilersaarutip ataavartumik nukissiteqalertitsinikkut taamaaliornikkullu kuldioxidimik aniatitsinermut annikillisaanikkut sanaartukkani nukimmik atorluaaneq tapersorsorpa. Pilersaarut pingaarnersiuneq 3: nukissiuutit piujuartitsisut nukissiuutillu pitsanngorsarneqarneq-miippoq. Nukissiuutinik pitsanngorsaaneq piujuartitsillunilu nukissiuuteqarnermik pingaartitsilluni.

### **4. NEES2 (Natural Energy Efficiency and Sustainability 2)**

NEES 2 NEES pilersaarummik nangitsisuuvoq (NPP 2010-2014), nukissiuutinik pitsanngorsaanermi sullissinikkut tunisassiatigullu 15-inik saqqummersitsinikuulluni. Taakku tunngavigalugit pilersaarummi misiliutit arfinillit aallartinneqarput. NEES2 sanatitsisartunut sammisamullu ilisimasalinnut ilinniartitsissutissiornikuuvoq ilisimasanillu ilisimasalinnut agguaaarluni. Pilersaarut pingaarnersiuneq 3: nukissiuutit piujuartitsisut nukissiuutillu pitsanngorsarneqarneq-miippoq, nukissiuutinik pitsanngorsaaneq piujuartitsillunilu nukissiuuteqarnermik pingaartitsilluni.

### **5. REGINA**

Pilersaarutip siunertaa tassaavoq najukkani nunallu immikkoortortaanni oqartussani pilersaarusiornermut avatangiisimillu ingerlatsinermut akisussaasuni sulisut piginnaasaannik qaffasaanissaq. Najukkani oqartussat suliffeqarfiit

angisuut pilersaarutaannit sunnertiannginnerunissaat anguniarlugu sulisussarsiornissamut aamma piginnaasanik pisinnaasanillu qaffassaanissamut isumassarsianik nutaaliornikkut kiisalu nunaminertanik atuinissamut periarfissanik nutaaliornikkut REGINA pilersaarut ikiorsiisarpoq. Pilersaarut immikkoortuni 'Pinnortitami kulturimilu kingornussat'-miippoq (pingaarnersiuneq 4) avatangiisimilu annertunerusumik piujuartitsilluni ingerlatsinissamut siunertaqarluni.

#### **6. Rye Connect**

Pilersaarutip siuneraa tassaavoq nunap immikkoortuiani NPA-mi inuusuttut periarfissagissaartinnerunissaat, ilaatigut suliffeqarfinnik aallartitsisarnermut siuarsaanikkut kiisalu avannarpassinnerusuni imminut napatitsisinnasumik assigiinnngiaartumillu aningaasatigut ineriartortitsinissamut tapersiinikkut. Pilersaarut immikkoortuni 'suliffeqarfinnik pilersitsisarneq' -miippoq (pingaarnersiuneq 2) SMV-nullu ikiorseeriaatsinik pitsanngorsaannissamut siunertaqarluni.

#### **7. Circular Ocean**

Pilersaarutip siunertaa tassaavoq, eqqagassanik atueqqiinikkut kiisalu suliffeqarfinnut piujuartitsinissamut ikiorsiisarnikkut immami plastikkinik eqqagassaqartitsinaveersarneq. Pilersaarut immikkoortuni 'suliffeqarfinnik pilersitsisarneq' -miippoq (pingaarnersiuneq 2) SMV-nullu ikiorseeriaatsinik pitsanngorsaannissamut siunertaqarluni.

## 7. Suliassaqarfik 30 Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalakkersuisoq

### 7.2 Konto pingaarneq 30.01.03 Isumaginninneq pillugu pikkorissartitsinerit ilinniartitseqqinnerillu

- c) Isumaginninnikkut anguniakkat pillugit isumasioqatigiinnerit ataatsimeersuarnerillu suut ingerlanneqarsimappat?

#### **Apeqqut:**

- 1) Danmarkimut isumassarsiorluni angalaneq akissummi taaneqartoq qanoq angusaqarfiusimava aammalu innuttaasunik oqaloqateqartoqarsimava?
- 2) Isumaginninnikkut anguniakkat pillugit isummersoqatigiinnernik nunatsinni ingerlatsinissaq pilersaarutaava?

#### Akissut 1)

Naalakkersuisoq ataatsimiititaliamilu ilaasortat kiisalu kommunini aqutsisut qullersat innut isumaginninnermi periutsinik assigiinngitsunik ataatsimoorlutik pissarsiaqarput. Peqataasut angalanermi ilisimasassarpassuarnik, paasissutissarpassuarnik ataatsimullu eqqartuinerpassuarnik pissarsiaqarsimasut angalanerup nalilersorneqarnerani ersepoq. Ilisimasassarsiorluni angalaneq kommunit arlallit meeqqat pillugit sulianik nalunaartarnerannut allannguisoqarneranut aamma toqqaannartumik pissuteqarpoq, nalunaartarnerit Danmarkimi pissutsit assigalugit akunnerit 24-t qaangiutsinnagit iliuuseqarfigisussanngorlugit. Assersuutigalugu Herningimi periuseq allallu periutsit aalajangersimasut saqqummiunneqarnerisa saniatigut meeqqat inuusuttullu pillugit suliaqartarnermut nukittorsaanissamut atatillugu ineriartortitsinissamut ilisimasassarsisoqarpoq. Taassuma kingorna Naalakkersuisoq illoqarfinni qullingiluani innuttaasunut ataatsimiititsivoq.

#### Akissut 2):

Maannarpiaq isumaginninneq pillugu Kalaallit Nunaanni ataatsimeersuarnerissamut pilersaaruteqanngilaq, taamaakkaluartoq augustimi nakuuserneq pillugu ataatsimeersuortoqassaaq. Taassuma saniatigut Qaasiutsup Kommuniiani isumasioqatigiinnerit marluk ingerlanneqarnikuupput, Qaasiutsup Kommuniiani immikkut sulissuteqarnissap peqatigisaanik Qaasiutsup Kommuniiani nunaqarfinni isumasioqatigiinnissat pilersaarusiorneqaleruttorput.

### Konto pingaarneq 30.10.34 Meeqqanut akilersuutit meeravissiartaarnerlu kiisalu meeqqanut inuusuttunullu illersuisoqarneq.

Eqqarlerisanut inissinneqarsimasut eqqarlerisanillu meeravissiartaarineqarsimasut qanoq amerlatigippat?

#### **Apeqqut:**

Paasissutissat taama pingaaruteqartigisut sooq tamanit pissarsiarineqarsinnaasunngortinneqarsimannngillat?

Akissut: Kalaallit Nunaanni eqqarlerisanut inissinneqarsimasut eqqarlerisanillu meeravissiartaarineqarsimasut qanoq amerlatiginersut pillugit aalajangersimaqqissaartumik paasissutissaqanngilaq. Tamanna kommunit suliassat taamaattut pillugu nalunaarsuisannginnerannik pissuteqarpoq.

Kommunit taamaaliornissaminnut pisussaaffeqaralarput. Meeqqat pillugit inatsisissatut siunnersuutigineqartussami sulianik taamaattunik nakkutiginninnermut iliuuseqarfiginiakkanullu nukittorsaasussanik imaqarnissaa naatsorsuutigineqarpoq.

#### 7.6 Konto pingaarneq 30.10.37 Nuna tamakkerlugu meeqqanut inuusuttunullu angerlarsimaffiit

- b) Ulloq unnuarlu angerlarsimaffinnik kommunini amigaateqarneq qanoq annertutigiva?

##### **Apeqqu 1:**

Ulloq unnuarlu angerlarsimaffinni inissanik pisariaqartitsinermik misissuineq qaqugu naammassineqartussatut naatsorsuutigineqarpa aammalu paasissutissat taama pingaaruteqartigisut sooq tamanit pissarsiarineqarsinnaasunngortinneqareersimangillat?

Akissut: Apeqqu 1:

Ilaqutariinnermut, Naligiissitaanermut, Isumaginninnermut aamma Inatsisunik Atuutsitsinermut Naalakkersuisoqarfik ulloq unnuarlu paaqqinnittarfinni pisariaqartitanik tunniussinnaasanillu misissueqqissaarnermik, ukiami 2016-imi piareertussamik 2016-ip aallartinnerani aallartitsivoq. Paasineqarporli naatsorsuutigisamit annertunerujussuusoq. Peqatigisaanik kommunini suliassat ulloq unnuarlu paaqqinnittarfinni pisariaqartitanik amerlititsisinnaasut suliarineqarsimangitsut suli amerlapput. Qassiunersut suli ilisimaneqanngilaq pissutigalugu suliassat suli ikilineqanngimmata. Ulloq unnuarlu neqeroorutini pisariaqartitat tunniussinnaasallu pillugit Naalakkersuisut suliarileruttorpaat pingaartilluinnarlugillu.

- d) Unnuakkut sumiiffissaaleqisartunik meeraqarnera eqqarsaatigigaanni inissat 160-it naammattutut Naalakkersuisunit isigineqarpat?

##### **Apeqqu 2:**

Naalakkersuisut paasissutissiissutigaat meeqqanut inuusuttunullu sumiiffissaaruttunut orninneqarsinnaasunik pilersitsisoqarnissaa sulissutigineqarmat, siullermillu Upernavimmi Kullorsuarmilu pilersitsisoqarniarloq. Illoqarfinni nunaqarfinnilu allani ornittakkanik taamaattunik pilersitsinissamik Naalakkersuisut pilersaaruteqarpat?

Akissut: Apeqqu 2:

Ulloq unnuarlu paaqqinnittarfinni pisariaqartitat ataatsimoortinnissaat pisariaqanngilaq kisianni unnukut innarfissaqanngitsut amerlapput. Akissarsiffinni sap. ak. naanerinilu unnuigasuarfissanik pilersitsinissamut kommuninut neqeroornissaq pilersaarutaavoq.

#### 7.7 Konto pingaarneq 30.10.45 Meeqqat inuusuttullu immikkut ittumik suliniuteqarfigineqarnerat

- a) Matumani aningaasaliissutit immikkut suliniummut inuiaqatigiinni pisariaqartinne-qartumut naammattutut nalilerneqarpat?

##### **Apeqqu 1:**

- 1) Suliassanut konto pingaarneq una naapertorlugu isumagineqartussanut atatillugu ininik naleqquttunik pisortat namminersortullu suliniutaattut sanaartornissamut ingerlatsinissamullu periarfissaq ilaatinneqarpa?
- 2) Illunik taamaattunik pisariaqartitsineq immikkoortumut pilersaarutini qanoq sorlernalu ilaatinneqarpa?

Akissut 1): Tamassuminnga ingerlatsinissamut aningaasalersuinissamut ininillu naleqquttunik pilersitsinissamut suliffeqarfinnik namminersortunik maannarpiaq suleqateqartoqanngilaq.

Akissut 2) Suliassaq pillugu suli suliassaqarfimmut pilersaarusiortoqanngilaq, pissutigalugu paasissutissat suliassaqarfik pillugu ersarissumik tamakkiisumillu takussutissiisnaasoq suli pigineqalinngimmat.

- b) Arnat persuttarneqarsimasut aammalu nuna tamakkerlugu qimarnguiit annertunerusumik suliniuteqarfigineqarnissaat pisariaqartinneqartutut Naalakkersuisunit isigineqarpa?

**Apeqqutit 2:**

Illernit pillugit naliliineq 2017-ip aallartinnerani aallartinneqassasoq naatsorsuutigineqartoq Naalakkersuisut paasissutissiissutigaa. Naliliineq taanna qaqugu naammassineqartussatut Naalakkersuisunit naatsorsuutigineqarpa?

Akissut: Illernerip nalilersorneqarnerata februaari 2017-imi naammassinissaa naatsorsuutigineqarpoq. Maannarpiaq ilaqutariinnut sullissiviit 16-it pilersinneqarsimapput, tassa Ittoqqortoormiit eqqaassanngikkaanni illoqarfiit tamarmik ilaqutariinnut sullissiveqarput. 2016-imi ilaqutariinnut højskolenik 22-nik ingerlatsinissamut tapiissuteqartoqarpoq, ilaqutariinnullu højskolenik ingerlanneqaruni tamani nalinginnaasunik ilaqutariit qulit - aqqaneq marluk peqataasarput.

- d) Sinerissami ilaqutariinnut sullissiviit ilaqutariinnullu højskolit atornerqarnerannut kisitsisit qanoq ippat?

**Apeqqut 3:**

- 1) Ilaqutariinnut sullissivinni tallimani saaffiginnissutit pillugit kisitsisitigut nalunaarsukkanik peqanngitsoq Naalakkersuisut paasissutissiissutigaa. Taamaattoqarneranut ornittakkani allaffissornikkut periutsinik amigaateqarneq pissutaava?

Akissut: Qaanaami, Ummannami, Qeqertarsuarmi, Maniitsumi Nanortalimmilu ilaqutariinnut sullissiviit sananeqarput aqutsisunilu sulisut taarserarnikuupput ulluinnarnilu ileqqunik allannguillutik.

- 2) Qaqortumi Narsamilu kisitsisit sooq taama qaffasitsiginersut paasissutissiissutigineqassasoq ataatsimiititaliamit kissaatigineqarpoq.

Akissut: Sumiiffinni taakkunani ikiorneqarnissamut ikorfartorneqarnissamullu pisariaqartitsinerup annerunera imaluunniit innuttaasut sullissivinnit

attaveqarluarfigneqarnikkut neqeroorutunik amerlanerusunik  
tiguisarsimaneranik tamassumunnga pissuteqarsinnaapput.

3) Ilaqutariinnut sullissiviit ilaqutariinullu højskolit pillugit  
paasisitsiniaanermik Naalakkersuisut suliaqarsimappat?

Akissut: Ilaqutariinnut højskolet sulissiviillu pillugit ukiuni kingullerni  
paasititsiniaanermik ingerlatsisoqarnikuunngilaq, pissutigalugu suliniut maanna  
ukiut qulit ingerlareermat.

g) Sulianik meeqqanut tunngasunik suliarinnittarnermi immikkut  
suliniuteqarneq qanoq ingerlava?

**Apeqqut 4:**

1) Kommune Kujalleq sulianik ingerlatsineq pillugu suleqatigiinnissamik  
isumaqatigiissuteqarfigineqarsimasoq Naalakkersuisut  
paasissutissiissutigaa. Suliaq tamanna sumut killippa?

Akissut: Sulissut nalilersorneqaleruttorpoq, isumaqatigiissullu qaangiuppat  
Naalakkersuisoqarfimmit suliarortitat angerlartinnissaat pilersaarutaavoq.

2) Kommunit sinnerinut tunngatillugu assinganik iliuuseqarnissaq  
Naalakkersuisunit pileraarutigineqarnersoq paasissutissiissutigineqassasoq  
ataatsimiititaliamit kissaatigineqarpoq.

Akissut: Taamatut sulissuteqarnissaq pisariaqartillugu, aap. Sulianut  
suliarinnittarnermut ikiorsiineq 2017-ip aallartinnerani aallartittussatut  
naatsorsuutigineqartoq pillugu Kommuneqarfik Sermersooq  
isumaqatigiissuteqarfigineqassaaq. Suliniummi Tasiilaq sammineqarnerussaaq.

7.15 Konto pingarneq 30.14.29 Isumaginninnermi suliniutit

**Apeqqut:**

Aningaasat qinnutigineqartut paasisitsiniaanernut sunniuteqarluartunut ilumut  
atorneqartarnerat qulakkeerniarlugu Naalakkersuisut qanoq iliorsimappat?

Akissut: [www.naalakkersuisut.gl](http://www.naalakkersuisut.gl)-imi allassimavoq konto pingarneq 30.14.29-  
mit assersuutigalugu inuttut ajornartorsiutunik eqqugaasimasunut paasissutissanut  
tapiissuteqartoqarsinnaasoq. Tapiissutunik qinnuteqartut siunertamut  
immersuissapput, immersuiffissaq siunertap suuneranik, suliniutip suuneranik,  
missingersuummik nalunaaruteqartarnissamullu piumasaaqatinik imaqassaaq.  
Tapiissutitut qinnuteqaatit suliarineqarneranni immersuiffissamiittut  
paasissutissat tunngavigineqartarput.

7.16 Konto pingarneq 30.14.31 Meeqqat pisinnaatitaaffii pillugit suliffik

**Apeqqut:**

MIO-mi oqarasuaatikkut siunnersuisarfimmut amerlanerusunik  
aningaasaliissuteqarnissamut Naalakkersuisut periarfissaqarpat?

Akissut: Tamanna eqqarsaatigineqassaaq. Taamaakkaluartoq SMS-  
siunnersuisarfimmik ingerlatsinissamut MIO aningaasaliisartunut  
qinnuteqarnissaminut tunngavissaqarpoq.

## 8. Suliassaqarfik 34 - 35 Peqqissutsimut Nunanillu Avannarlernik Suleqateqarnermut Naalakkersuisoq

### 8.4 Konto pingaarneq 34.11.03 Dronning Ingridip Napparsimavissua

- c) Nakorsanit telefonikkut sullinneqarneq aammalu nittartakkamik atuineq qanoq ippat aammalu taakkununga aningaasat qanoq pissarsiarineqartarpat?

#### Apeqquut 1:

Nakorsanit telefonikkut sullinneqarnissamut utaqqinermi inuit oqarasuaammik ilisiinnartarnerannut suut pissutaasinnaanersut itisilerneqassasoq ataatsimiititaliamit kissaatigineqarpoq. Tamanna nakorsanit telefonikkut sullinneqarnissamut piffissakippallaarnermut aammalu sulisukippallaarnermut takussutissaava?

Akissut: Nuummi innuttaasut suli peqqissaasunit sullinneqarnatik sooq nakorsamut oqarasuaat iliinnartarneraat pillugu maannamut misissuisoqarnikuunngilaq.

Ilimagisarli tassaavoq siarnguttut nalinginnaasumit amerlanerugaangata innuttaasut utaqqisinnaanginnertik pissutigalugu oqarasuaat iliinnartaraat. Nakorsamut oqarasuaat amerlanerpaamik 500-nik utaqqisoqarsinnaavoq – tamanna anguneqarsimanngilaq – kisianni teknikkikkut atortut pissutigalugit utaqqisuni aatsaat 100-mi ataalluguluunniit inissisimagaanni utaqqisuni sumut killinnerluni paasissutissiutigineqartarpoq. Assersuutitut, innuttaasooq nakorsamut oqarasuaammut sianerpoq utaqqisunilu nr, 150-imut inissilluni, minutsit x-it qaangiummata sianertoq utaqqisuni nr. 97-imut inississimalluni paasitinneqarpoq. Taanna paasissutissaq innuttaasumut paasiuminaassinnaavoq erloqinarlunilu, pissutigalugu sianertoq sivirusumik utaqqereerami taamaammallu oqarasuaat iliinnarlugu.

Sermersuumi peqqissaanikkut suliassanut aningaasaliissutinut atatillugu nakorsamut oqarasuaammik ingerlatsinermut ammasarfiit sulisullu aningaasat aalajangersimaqqissaarput. Nakorsamut oqarasuaammut sianerpeq katsorsaanermik aallartitsinissamut pisussaaffiliisarpoq, taamaammatt sianertut malitseqartinnissaannut aningaasassaqaanngippat innuttaasut katsorsarniakkat ullormut amerlanerusinnaanngillat.



**9. Suliassaqarfik 40 Ilinniartitaanermut, Kultureqarnermut Ilisimatusarnermut Ilageeqarnermullu Naalakkersuisoq**

9.7 Konto pingaarneq 40.10.06 Kalaallit Nunaanni efterskolit ingerlanneqarnerannut tapiissutit

- c) Maniitsumi efterskolimi meeqqanut immikkut pisariaqartitsisunut ilinniartitsinermut tapiissutit 2017-imi 0 kr.-inngorlugit ikilineqarsimapput. Tamatumani atuartut atuarniarnermikkut allanniarnermikkullu ajornartorsiutillit pineqartut ataatsimiititaliap naatsorsuutigaa. Tamatuma kingorna ilinniartitsineq taanna qanoq aningaasalersorneqassava?

**Apeqqut:**

Naalakkersuisut akissutaat ataatsimiititaliamit ima paasineqassava; atuarniarnikkut allanniarnikkullu ajornarsiutilinnut neqeroorut sulii atuuttoq?

Akissut: Akissut ima paasineqassaaq, tunngaviusumik tapiissutit, maanna Qasigiannuanut qaffanneqarsimasoq, atorlugit Maniitsumi Qasigiannuanilu efterskolimi atuartinniakkaminni atuarnissamut allannissamullu ajornartorsiutillit ilanngunneqarnissaat naatsorsuutigineqarpoq. Taamaakkaluartoq ersarissarneqassaaq efterskolit suliassat naammassisaasa pitsaassusaat naammangikkaangata Naalakkersuisut taamaallaat pisuni immikkuullarissuni pineqaatissiiinnaasarpur, pissutigalugu efterskolit namminersortuummata efterskolinullu inatsit naapertorlugu annertuumik kiffaanngissuseqarlutik.

9.11 Konto pingaarneq 40.40.01 Ilinniartitaanermut Aqutsisoqarfik

- b) Ingerlatat oqaatsinik pikkorissarfiusumasumi ingerlanneqartartut sumi isumagineqar-tarpat?

**Apeqqut:**

Ingerlatat ilinniartinnit allanit oqaatsinik atuartitsinermik neqerooruteqartunit tiguneqarnissaat pissusissamissuussanngila?

Akissut: Tech College, oqaatsinik pikkorissaasarneq tiguisussatut siunnersuutigineqartoq, ilinniarnertuutut ilinniartitsisarpoq taamaammallu ilinniarnissamut neqeroorutip ilagisaanik oqaatsitigut qaffasissumik ilinniartitsisarpoq.

9.18 Konto pingaarneq 40.92.12 Ph.d.-mik ilinniagaqartutut ilisimatusarnermik ilinniarneq

Ilinniarnermut atatillugu ilisimatusarnermik angusat uppernarsarneqarnissaat, toqqortarine-qarnissaat ingerlateqqinneqarnissaallu qanoq qulakkeerneqartarpa?

**Apeqqut:**

Ilisimatusarnermut siunnersuisoqatigiit arlaannaannulluunniit attuumassuteqanngitsut sumi inissisimappat qanorlu aningaasalersugaappat?

Akissut: Ilisimatusarnermut siunnersuisoqatigiit konto pingaarneq 40.96.01 Ilisimatusarneq-mit aningaasalersorneqarpoq. Ilisimatusarnermut siunnersuisoqatigiit sumiiffimmi aaqqissuussaannikkulluunniit "inissisimaffeqanngilaq" kissaatertilli malillugu Ilinniartitaanermut, Kultureqarnermut Ilisimatusarnermut Ilageeqarnermullu Naalakkersuisoqarfimmi allatseqarnertik annertusinikuuat.

9.19 Konto pingaarneq 40.92.13 Ilisimatusarfik

- c) Ilisimatusarfimmi taamaatiinnartartunik kingullermik misissuinerup inernerata assilineqarnera ataatsimiititaliamit qinnutigineqarpoq.

**Apeqqut:**

Innuttaasunut amerlagisassaanngitsunut ilinniartitsinermut siunertanut aningaasanut inatsimmi 1 mia. kr.-it missaat immikkoortinneqarsimapput, taakkunangalu 93 mio. kr.-it missaat Ilisimatusarfimmut aningaasaliissutaallutik. Taamaattumik inuit qassit ilinniakkaminnik naammassinnittarnersut nalunaarsorniarlugu ilimanaateqarsinnaasunik naatsorsuinissap pisa-riaqarnera ataatsimiititaliamit paasiuminaatsinneqarpoq.

- 1) Ilisimatusarfik ilinniartussanik qassinik tiguisarnersoq, taakkunangalu qassit ilinniarnerminnik naammassinnittarnersut qassillu ilinniarnerminnik unitsitsiinnartarnersut pillugit ulluinnarni nalunaarsuinerit ujartuiffiginissaat Naalakkersuisut siunertaraat?

Akissut: Naalakkersuisut ullut tamaasa nalunaarsueqqissaarniangillat, pissutigalugu akisuallaassammat naammassisartunullu iluaqutaarpiarnaviarik. Naalakkersuisut Ilisimatusarfillu Ilisimatusarfimmit tigusaasimasut, naammassinnissimasut ingerlatsisullu qassiunersut tamakkerlugit kisitsisaataatigaat. Naammassinnittartut procentinngortinnerini ilinniartut ilinniakkamik unitsitseriarlutik aallartitseqqittartut eqqarsaatigineqarput. Peqatigisaanik, naammassinnittartut procentinngortinneri paasissutissat nutaanerpaatinniarlugit ilimagisatigut naatsorsugaapput. Naammassineqartartut procentinngortinneri ukiuni ilinniartut ilinniakkaminnik naammassinnereeraangat imaluunniit taamaatitsigaangata piviusup/oqaluttuarisaanerup paasissutissartassaanik imaqarput. Tassa imaappoq, naammassinnittut pillugit paasissutissat ilinniarnermik aallartitsinermiit aatsaat ukiut tallimat-arfinillit qaangiukkaangat pissarsiarisarpavut. Maannamut ilimagisatigut naatsorsugaapput.

- 2) Tamatuma saniatigut nunatta ilisimatusarfiani taamaatiinnartarnermut pissutaasut uppernarsaasersorneqarnissaat pissusissamisuussasoq ataatsimiititaliaq isumaqarpoq. Taamaatiinnartarneq pillugu misissuisoqartarnersoq paasissutissiisutigineqassasoq ataatsimiititaliamit kissaatigineqarpoq?

Akissut: Ilinniartfinni assigiinngitsuni piffissakkaartumik taamaatitsiinnartarnermik misissuisoqartarpoq. Misissuinerit naammassereersut misilittakkat naapertorlugit ajornartorsiutaasut ataatsimut isigalugit taamaallaat atorneqarsinnaapput. Ilinniartut taamaatitsiinnartarnerat pillugit assigiiartunngorlugit, tunngavissalerlugit atorsinnaalersillugilluunniit misissueriaasitigut atorneqarsinnaasunik aalajangersaasoqarsinnaannginnera tamassumunnga pingaarnertut pissutaavoq. Taassuma saniatigut taamatut misissuinerimi ilinniartut taamaatitsisarnerannut nassuiaatit assigiinngitsut allanit sunnerneqarsimasut piviusuunngitsunik pissutilersorneqarsinnaaneri paasinerulersitsinngillat. Assersuutigalugu piginnaasat amigarneri nassuerutiginaqit "angerlarserneq" utoqqatsissutigineqarsinnaavoq, pissutigalugu "angerlarserneq" inuttut inoqateqarnermullu ajornaannerummat akuerisaanerullunilu. Taamaammat taamaatitsiinnartarnermut pissutaasut "uppernarsarnissaat" ajornakusoorpoq. Taamaakkaluartoq ilinnarnermik

aallartitsinermi piginnaasakippallaarneq, pingaartumik tuluttut danskisullu, taamaatitsiinnartarnermut pissutaanerpaasartutut nalilerneqarpoq.

#### 9.25 Konto pingaarneq 40.94.17 Kalaallit Nunaata Radioa - KNR

e) P1 98 mhz-ip atorineqarnissaa pilersaaruteqarfigineqarpa?

##### **Apeqqut:**

Assersuutigalugu Inatsisartut ataatsimiinnerisa aallakaatinneqarnerannut kanalip taassuma atorinissaa qanoq akeqassava?

Akissut: Kommunit, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoqarfik piffissakikkaluarluni sapinngisaq tamaat TELE-POSTimut paasisaqarniarluni paasiniaavoq.

Apeqqut ima paasineqarpoq, Inatsisartut ataatsimiittarneri radiokkut aallakaatinniarlugit illoqarfinni nunaqarfinnilu tamani FM-aallakaatitsissut pilersitsinissaq qanoq akeqassanersoq paaserusunneqartoq. TELE-POSTip paasissutissiissutai naatsorsuutinit ingerlatseqatigiiffiup februar 2015-imi naatsorsorsimasaanit tunngaveqarput.

TELE-POST qanga nuummi DR P1-imik 98 MHz-ikkut FM-aallakaatitsissummik peqarsimavoq. Saniatigut FM-kanalimik (KNR-ip saniatigut) Kalaallit Nunaannut tamarmut pilersitsissagaanni FM-aallakaatitsissutinik atortunik illoqarfinni nunaqarfinni tamani ikkussuisoqartariaqarpoq. Nuummi 98,0 MHz-imik aallakaatitsisartutoqqat tamassumunnga atorineqarnissaat eqqarsaatigineqarsinnaavoq, imaluunniit atortunik aallakaatitsisartunik nutaanik pilersitsinissaq. Aaqqiussut ajornaannerpaassappat akikinnerpaassappallu attavik DVB-T radiokkut kanalit atuuttut aqutigineqarsinnaapput. Tassa imaappoq, Inatsisartut aallakaatinneqarnerat DVB-T-nngorlugit illoqarfinni nunaqarfinnilu tamani aallakaatinneqassaaq, najukkamilu attavik DVB-T-mit FM-inngorlugu aallakaatinneqartussanngorlugu ( 98,0 MHz-imiissinnaavoq imaluunniit MHz frekvensimi atorineqanngitsumi arlaanni). Taamaalillutik innutaasut namminneq aalajangersinnaassavaat aallakaatitaq TV-kkut (DVB-T-kkut attavik) imaluunniit radio (FM-ikkut attavik) nalinginnaasoq atorlugu tusarnaassanerlugu.

TELE-POSTip februaarip 16-ianni 2015-imi neqeroorutaa naapertorlugu Inatsisartunit Kalaallit Nunaanni tamarmi marlunnik kanalilimmik (oqaatsit atorineqartut oqaluttaasullu) DVB-T-kkut aallakaatitsissagaanni ataasiartumik 130.000 kr,-nit missaannik akeqassasoq naatsorsorneqarpoq. Taassuma kingorna ukiumut aningaasartuutit 25-30.000 kr,-it missingi.

Taassuma saniatigut Inatsisartunit FM-ikkut toqqaannartumik aallakaatitsiniaraanni (nipi ataasiinnaq) FM-aallakaatitsissutit amerlassusaat apeqqutaallutik pilersitsinissamut aningaasartuutissat: 5,5-7 mio. kr.-ussapput. Ingerlatsinissamut aningaasartuutit 1-1,4 mio. kr.-t missaanniinnissaat nalilerneqarpoq.

DVB-T radio- imaluunniit tv-kanalit pioreersut atorlugit aallakaatitsiniaraanni naammassipallanneqarsinnaavoq. Taamaattoqassappat DVB-T radiomut- aamma tv-kanalinut aaqqiissummut atatillugu sorliit pingaarnernerunersut TELE-POSTimut paasissutissiutigineqassapput.

## **10. Suliassaqarfik 50 - 51 Aalisarnermut, Piniarnermut Nunalerinermullu Naalakkersuisoq**

10.2 Konto pingaarneq 50.01.17 Aalisarneq pillugu EU-mik isumaqatigiissut Tului EU-mit aninerat konto pingaarnermut matumunnga qanoq kinguneqartussatut naatsorsuutigineqarpa?

### **Apeqqut:**

1) Tassannga isertitat tamakkiisumik ilaannakortumilluunniit pissarsiarineqartarunnaarnissaat isumakuluutigissallugu tunngavissaqartutut Naalakkersuisunit isigineqarpa?

Akissut: Naalakkersuisut naliliipput tului EU-mit aninerat Kalaallit Nunaata EU-llu aalisarnermut isumaqatigiissutaannut aningaasatigullu akiliinermit sunniuteqarsinnaasoq. Tului Nunaata EU-llu akornanni isumaqatigiinniarnit 2017-imi aallartinnissaat naatsorsuutigineqarpoq. Naalakkersuisut ineriartorneranut malinnaasassapput, kisianni Kalaallit Nunaat EU-llu akornanni aalisarnermut isumaqatigiissummit isertitassatut naatsorsuutigisanik maannarpiaq allannguinnissamut tunngavissaqanngilaq.

2) Canadap EU-mut isumaqatigiinniarnera maanna ingerlanneqartoq nunatsinnut qanoq kinguneqassava?

Akissut: Canada Kalaallit Nunaat assigalugu aalisakkanik nunanut allanut tunisassiortuuvoq. Canadap EU-llu akornanni isumaqatigiinniarnit Kalaallit Nunaanni aalisarnermut kingunipiloqarnissaa naatsorsuutigineqarpoq, pissutigalugu aalisakkat tunisassiat Canadameersut EU-mut eqqunneranni Kalaallit Nunaat assigalugu akitsuutaarunnissaat naatsorsuutigineqarmat.

10.6 Konto pingaarneq 51.03.03 Ineriartortitsinermit aningaasatigut tapersiissutit, nunalerineq

a) Nunalerinermut siunnersuisoqatigiinni nunalerinermik ilinniarsimasumik sulisoqarpa?

### **Apeqqut 1:**

Nunalerinermut sanilliullugu aalisarnermik ingerlatsisut amerlapput. Aningaasanik aalisarneq pillugu siunnersorteqarnermut, nunalerinermi siunnersorteqarnermut aningaasanut immikkoortinneqartartunut assersuunneqarsinnaasunik, immikkoortitsinissaq Naalakkersuisunit isumaliutigineqarsimava?

Akissut: Naalakkersuisut aningaasat Aalisarnermut, Piniarnermut Nunalerinermullu Naalakkersuisoqarfimmut tunniunneqarsimasut sippornagit aningaasat aalisartut siunnersornissaannut atortarpaat, taamaattumillu Aalisarnermut, Piniarnermut Nunalerinermullu Naalakkersuisoqarfimmi sulisut tamassuminnga suliaqartuupput. Tamanna pillugu aningaasanik pisariaqartitsineq piffissap ingerlanerani nalilersorneqartarpoq.

b) Nunalerinermi imminut napatittumik inuussutissarsiorsinnaaneq siuarsarniarlugu Naalakkersuisut sunik suliniuteqarpat?

### **Apeqqutit 2:**

Angusassat pillugit SPS-imut nunalerinermi siunnersorteqarfimmut isumaqatigiissuutip assilineranik nassinneqarnissani ataatsimiititaliap kissaatigaa.

Akissut: Inernerisassatut isumaqatigiissuutip assilineranik ilanngunneqarpoq.

#### 10.8 Konto pingaarneq 51.07.42 Taarsigassarsiat erniallit aamma 51.07.43 Taarsigassarsianut ernialinnut akilersuutit

- a) Taarsigassarsiallit, taarsigassarsinissamik suliassat, taarsigassarsisut ernianut akiliutaasa akiitsunut akilersuutit, taarsigassarsiat erniallit aammalu piffissaq eqqorlugu akiliinissamut tapiissutit qanoq amerlatiginerannut takussutissiaq ataatsimiititaliamit kissaatigineqarpoq.

#### **Apeqqut:**

Taarsigassarsiallit taarsigassarsiaasa akilersuutaasalu annertussusii nalunaarlugit skemanngorlugu takussutissiamik nassinneqarnissani ataatsimiititaliap kissaatigaa.

Akissut: Piffissaliussap sivikinnera pissutigalugu tamakkiisumik takussutissiaq kingusinnerusukkut nassiunneqarumaarpoq.

#### 10.10 Konto pingaarneq 51.07.50 Savaatillit nioqqutissanik pisiortornermini taarsigassarsiaannut qularnaveeqqutinik akiliineq

Qularnaveeqqutit tunniussat aammalu qularnaveeqqutinik akiliinerit pillugit kisitsisitigut takussutissiaq ataatsimiititaliamit kissaatigineqarpoq?

#### **Apeqqut:**

Qularnaveeqqutinik tunniussisarnermut akiliinermullu atatillugu piumasaqaatit assilineqarnerannik nassinneqarnissani ataatsimiititaliap kissaatigaa.

Akissut: Savaatillit ukiumut nioqqutissanik pisiortortarnerannut atatillugu savaatillit peqatigiiffiat aqqutigalugu ataatsimoorlutik aningaasaateqarfimmut aningaasanik taarsigassarsisarput, 2016-imi katillugit 9 million kr.-nik taarsigassarsisoqarpoq. Taarsigassarsinermullu atatillugu savaatillit ataasiakkaat nunalerinikkut killiffiat pillugu nunalerinermut ilisimasatigut nalilersuisoqartarpoq. Naalakkersuisut aningaasaateqarfimmut katillugit 3 million kr.-nik qularnaqqusiisarput. Savaatillit nioqqutissanik pisiortornerisa kingorna akiliisinnaanngitsut akilersinnaanngisaat qularnaveeqqummit matussuserneqartarput. Taassuma kingorna savaatillit ataasiakkaat aningaasat akilersinnaanngisaasa amerlaqataanik ukiumut ataatsimut ESU-mit ernialersukkanik taarsigassarsisarput.

## 11. Suliassaqarfik 62-64 – Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq

### 11.3 Konto pingaarneq 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartortitsineq

c) Taakkuninnga atuineq qanoq siuarsaavigineqarpa?

#### **Apeqqut:**

Kalaallit nerisassaataannik tuniniaaffittut kalaalimineerniarfiit pingaarutilittut inissisimanerisa siuarsarneqarnissaannik Naalakkersuisut anguniagaqarpat?

Akissut: Kalaalimineerniarfiit tunngaviatigut kommuninit ingerlanneqartarput. Taamaammat Naalakkersuisut tamakkununga nuna tamakkerlugu periuseqanngillat. Taamaakkaluartoq Naalakkersuisut kalaalimerngit sapinngisamik siuarsarneqarnissaat kissaatigaat.

Konto pingaarneq 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartortitsineq kommunit ataasiakkaat nunaqarfinnilu aqutsisut suleqatigilluarlugit najukkani inuussutissarsiornermik suliffeqarnermillu siursaanissamut suliniutinut arlalinnut atorneqartarpoq.

### 11.5 Konto pingaarneq 64.10.12 Nioqqutissanik pilersuineq

Piffissamut nutaamut 1. januar 2017-imi aallartittussamut kiffartuussinissamik isumaqatigiissutissaq Naalakkersuisunit qulakkeerneqareerpa?

#### **Apeqqut:**

Kiffartuussinissamik isumaqatigiisutigineqartut assilineqarnerannik nassiusseqqullugit Naalakkersuisut ataatsimiititaliamit qinnuigineqarput.

Akissut: Isumaqatigiissutissat nutaat pillugit isumaqatigiinniarnit naammassingajalerput. Taassuma kingorna isumaqatigiissutit Naalakkersuisunit akuerineqassapput. isumaqatigiissutit naammasseriarpata assilineri ataatsimiititaliamut nassiunneqassapput.

### 11.11 Konto pingaarneq 64.13.23 Majoriaq

e) Ilinniartitsisut qanoq amerlatigisut, ukioq naallugu sulisorisanut naatsorsorlugu, Majoriaq-centerini atorneqarpat aammalu ilinniartitsisut taakku ilaat procentinngorlugu qanoq amerlatigisut atuarfimmi ilinniartitsisutut ilinniagaqarsimappat?

#### **Apeqqut:**

- 1) Inuit 62-it Majoriami ilinniartitsisartut Naalakkersuisut paasissutissiippat. Majoriamut 2015-imi aningaasaliissutit 49.539.000-iusut Naalakkersuisut paasissutissiippat. AIS 2017-imi aningaasaliissutit 73,5 mio. kr.-inut amerlineqarput, tamannalu 48 %-ingajammik qaffaanerup naligaa. Inuit 62-it siuliani taaneqartut akunnerit qassit atuartitsinermut 2015-imi atorsimaneraat 2017-imilu akunnerit qassit atorneqartussatut naatsorsuutigineqarnersut paasissutissiissutigineqassasoq ataatsimiititaliamit kissaatigineqarpoq?
- 2) Taaguummik allanguineq Majoriami sullinneqartartunut sunniuteqassasoq Naalakkersuisunit naatsorsuutigineqarpa?

Akissut 1): Naalackersuisoqarfik Majoriami atuartitsinermut akunnerit qassit atorneqarsimaneri pillugit paasissutissat 2015-imeersut nassiutissavaat, 2017-imullu atuartitsinermut akunnerit qassit atorneqassaneranut naatsorsuutigisat tigoriarutsigit nassiutissavavut.

Akissut 2): Taaguummik allanngineq kusassanerunngilaq, allannginerli Naalackeruisut suliffeqarfinnut aqqissuusseqqinnerisa ilagiinnarpaa. Inuusuttut pingaartillugit suliffissarsiuussisarfiit piginnaangorsarnissamullu periarfissat ataqatigiitsillugit nutaangorsaaneq pisariaqartoq pineqarpoq.

Taamaammat inunntut isumaginninneq meeqqallu atuarfiat ataqatigiinnerunissaat anguniarlugu Inatsisartut inatsisaat nr. 28, 9. december 2015-imeersoq "suleqatigiinnermut aqqissuussinermik" imaqarpoq, taannalu innuttaasoq sumiiffimmi eqqortumi sullinneqarnissaanik qulakkeerinninnerussaaq, tamannalu isumaqarpoq, Majoriami sullitaq piareersarfimmut suliffissarsiuussisarfinnut sanilliullugu suliffittaarnissaanut siunertaqarnerussasoq. Inuussutissarsiutilerisut kommunillu/pisortallu akornanni suleqatigiinnerunissaq siunertaavortaaq. Majoriami suliffittaarnissamut siunnersortit inuussutissarsiornermut atatillugu siulianit akuliusimanerujussuussapput.

Taamaattumik innuttaasoq Majoriamut saaffiginninnermini, Piareersarfimmut suliffissarsiuussisarfimmullu sanilliullugu, siunnerfeqarnerusumik pitsaanerusumillu sullinneqartarnissaa Naalackersuisut naatsorsuutigaat.



### 13. Suliassaqarfik 70 – 72 Ineqarnermut, Sanaartornermut Attaveqarnermullu Naalakkersuisoq

#### 13.1 Konto pingaarneq 70.01.07 Sanaartornermi oqartussaassuseq

Nuummi qanoq akulikitsigisumik nakkutilliisoqartarpa amigartumillu nakkutilliisoqartarsimava?

##### **Apeqqut:**

Nakkutilliinnerit ingerlanneqartut Nuummi pisariaqartisineq tamakkiisoq matussuserpaat?

Akissut: Aap, nakkutilliinnerit ingerlanneqartut Nuummi pisariaqartitsinerit allanngorartunut matussusiisartut Naalakkersuisut oqaatigaat. Tassunga atatillugu oqaatigineqassaaq kommunini sanaartornermut oqartussaasut sanaartukkat sanaartornermut inatsimmi aalajangersakkat naapertorlugit ingerlanersut nakkutigisassaraat. Sanaartornerit inatsisinut naapertuunnissaat sanaartortitsisut akisussaaffigaat. Namminersornerullutik Oqartussat sanaartortitsisutut Nuummi allanilu illoqarfinni sanaartukkaminut akulikitsumik misissuisarput.

#### 13.4 Konto pingaarneq 72.06.51 Inissianik tunisineq - ilanngaaseereerluni tunniussineq

- b) Namminersorlutik Oqartussat inissiaataasa assigiinngitsut qanga kingullermik iluarsaanneqarsimanerannut takussutissiaq pigineqarpa?

##### **Apeqqut:**

Pisortat illuutaat pillugit paasissutissat taamaattut aqutsivigineqarnissaat siunertamut naapertuuttut Naalakkersuisunit isigineqarpa?

Akissut: Aap. Illuutit qanoq innerat pillugit tamakkiumik paasissutissat amerlinissaat siunertamut naapertuulluinnartut Naalakkersuisunit isigineqarpoq. Tamannarpiaq tunngavigalugu Naalakkersuisut illuutiniq ataasiakkaanik misissuinerit tunngavigalugit immikkoortunut pilersaaruserput.

#### Konto pingaarneq 72.10.16 Inissiat attartortittakkat ingerlanneqarnerat, aningaasaliissutinit iluanaarutit

Namminersorlutik Oqartussat inissiaataasa assigiinngitsut qanga kingullermik iluarsaanneqarsimanerannut takussutissiaq pigineqarpa?

##### **Apeqqut:**

Misissueqqissaarnernik siuliani taaneqartunik Naalakkersuisut suliaqalersaarpat?

Akissut: Naalakkersuisut § 37 naapertorlugu apeqqutigineqartup nr. 219 2011-imeersup akineqarneranut atatillugu pineqartoq pillugu akissuteqareerput.

Akissut uani nassaarineqarsinnaavoq  
<http://ina.gl/inatsisartut/paragraf36/?lang=kl#spm2011>

#### 13.8 Konto pingaarneq 72.20.05 Ilaasunik angallassinermut tapiissutit

- a) Suliassaqarfik nukittorsarniarlugu aningaasaliissutit amerlinagit aalajangiusimaneqarnerannut suna tunngaviua?
- b) Aningaasaliissutit ilaat nunatta kujataanut tunngassusillit ikilineqarnerannut suna tunngaviua?

2016-imi aningaasanut inatsimmik siunnersuuteqartutut kiffartuussinissamut isumaqatigiissutitut sinaakkutitut atugassarititaasussat Naalackersuisut namminneq siunnersuutigimmatigit ataatsimiititaliamit Naalackersuisunut eqqaatsitsissutigineqassaaq. Naalackersuisullu taamaalillutik Aningaasaqarnermut Akileraartarnermullu Ataatsimiititaliamut qinnuteqaamminni allapput kiffartuussinissamut isumaqatigiissutit 2016-imi aningaasanut inatsimmi konto pingaarnermut 72.20.05-imut, ilaasunik angallassinermut tapiissutitut tunngasumut, oqaasertaliussami nr. 1-imi killissaritinneqartut iluini neqeroorutigineqarlutillu isumaqatigiinniutigineqassasut. Meeqqanut soraarnerussutisialinnullu akikillisaassuteqarnissap qulakkeerneqarnissaanut qaffaanissaq Naalackersuisut taamaallaat qinnutigaat, tamannalu ataatsimiititaliamit akuerineqarpoq. Tamannalu kingusissukkut pivoq. Isumaqatigiinniarnissamut piginnaatinneqarnissamik qinnuteqaamminni Naalackersuisut ataatsimiititaliamut ima paasissutissiimmata ataatsimiititaliamit erseqqissarneqassaaq:

”Kiffartuussinissamut isumaqatigiissutit tamarmik angallannermi suliassat nunallu immik-koortui, aammalu sullissinerup qaffasissusia akulikissuserlu maanna atorneqartut tunnga-vigalugit neqerooruteqartitsivigineqassapput.”

Piffissami isumaqatigiinniarnissamut piginnaatitsissutip ataatsimiititaliamit akuerineqarnerani aningaasaliissutitik annertunerusunik pisariaqartitsisoqarsinnaaneramik ataatsimiititaliaq sukkuunniit saqqummiussivigineqanngilaq. Taamaattumik ataatsimiititaliap taku-sinnaasimanngilaa sooq sinaakkutitut atugassarititaasut attatiinnerneqassannginnersut.

Tusagassiorfiit malillugit kiffartuussinissamut isumaqatigiissutit pitsaangorsarniarlugit aningaasanik amerlanerusunik nassaarniarnissaq Naalackersuisut siulittaasuata piareersimaffigaa.

### **Apeqqu 1:**

Annertunerusunik aningaasaliissutissatut kissaatit aalajangersimasut aningaasanut inatsimmut ilanngunneqarsinnaaqullugit AIS 2017-imut allannguutissatut siunnersuutitik Naalackersuisut saqqummiussilersaarpap?

Akissut: Naalackersuisut siunnersuuteqaaqartutut konto pingaarneq 72.20.05 Ilaasunik angallassinermut tapiissutit-mut isumaqatigiissutit nutaat aningaasaliissutit sippornagit isumaqatigiinniarnissamut aningaasaliissutissanik siunnersuuteqarlutik oqaasertaliisimanerat eqqorpoq. Aningaasaliissutit 2014-imi isumaqatigiinniutigineqarput, qinersisussanngortitsinerlu pissutigalugu piviusunngortinneqarsimanatik. Isumaqatigiinniutit isumaqatigiissutitut maanna piviusunngortitanut assingusupilussuit. 2016-imut aningaasanut inatsisissatut siunnersuummut isumaqatigiinniarnissamut periarfissat piffissami tassani pissutissaqarluartumik ilisimaneqanngillat.

Naalackersuisut Inatsisartuni Aningaasaqarnermut Akileraartarnermullu Ataatsimiititaliamut isumaqatigiinniarnissamut qinnuteqarmat pissutissaqartumik

pissutsit suli ilisimaneqanngitsut amerlapput. Tamanna pillugu qinnuteqaat isumaqatigiinniarnit aallartinnginnerini Ataatsimiititaliamut suliarineqartussanngorlugu nassiunneqarpoq, taamaalillutilli isumaqatigiinniarnissamut periarfissat kiisami ilisimaneqalerput.

Aningaasaqarnermut Akileraartarnermullu Ataatsimiititaliap apriliip 28-anni allakkatigut arlalinnik apeqquteqarpoq isumaqatigiinniarnissamullu qinnuteqaammut isummernissani kinguartillugu. Taassuma pisup peqatigisaanik Ataatsimiititaliap Naalakkersuisut ersarissumik ilisimatippaat: "Aningaasaqarnermut Akileraartarnermullu Ataatsimiititaliap suliami aningaasaliissutit eqqartornissaat tunngavissaqarsorinngilaa" nangipporlu "isumaqatigiissutit nutaat isumaqatigiissusiorderanni aningaasaliissutit aningaasanut inatsimmi oqaasertaliussani taaneqartut sippornagit Ataatsimiititaliap ingerlatsisoqarsinnaasoraa."

Ataatsimiititaliap isumaqatigiinniarnissamut suli akuersinngitsoq Naalakkersuisut Ataatsimiititaliap apeqqutaannut maajip 28-anni 2016-imi akissuteqarnerminni Ataatsimiititaliap aningaasaliissutitut isummersuutaa tusaatissatut tiguaat, Naalakkersuisut Ataatsimiititaliamut ima ersarissaagaluartut:

"Ataatsimut isigalugu aningaasaliissutit immikkoortitat sullinneqarnissamut pisiamut naleqqutissapput (akulikissuseq, pitsaassuseq, ilorrisimaarnassuseq, ingerlatsinerimi isumannaanneq) saniatigullu Kalaallit Nunaanni Namminersornerullutik Oqartussat tapiissutissaannut atatillugu ilaasut namminneq akiliutigisartagaat. Tamanna immikkoortut tamarmik assigiinnginneranik paasineqassaaq. Taamaattumik Namminersornerullutik Oqartussat sullissiineq pitsaanagerusooq anguniarlugu aalajangersinnaapput aningaasartuutaanagerusussallu ilaasunut akilertillugit imaluunniit Nunatta Karsianit tapiissuteqarnikkut matussuserlugit. **Aningaasaliissutit naapertorlugit ingerlatsisoqassappat ilaasullu namminneq akiliutaat qaffassanngippat Namminersornerullutik Oqartussat pitsaassutsimik, ilorrisimaarnassutsimik imaluunniit inuiaqatigiinnulluunniit pingaaruteqartunik aapaasariaqarsinnaapput.**"

Aningaasaqarnermut Akileraartarnermullu Ataatsimiititaliap qulaani allassimasut qulaatiinnarlugit maajip 24-anni 2016-imi allakkatigut isumaqatigiinniarnissamut akuersivoq.

Naalakkersuisut taamatut oqareerlutik sullissinissamut isumaqatigiissutaareersuni angallannermut allanik kissaatinik amigaateqarnera ilisimavaat.

Pingaartumik Kujataani Qeqertarsuullu Tunuani qulimiguulinnik angallannernik saniatigut allanik pisariaqartitsineq aamma unnuisarnissamut nerisaqarnissamullu qularnaveeqqutit pitsaanagerusut amigaataapput, taakkulu ulluni sap. akunnerinilu aggersuni misissoqqissaarneqassapput. Tamanna tunngavigalugu Naalakkersuisut AIS17-imut aalajangersimasumik

allannguutissatut siunnersuuteqarput, tassarilu aningaasaliissutimmi tamakkiisumi allannguutit taakku ilanngunneqassallutik

- c) Air Greenlandimik piginnittuunermut Naalackersuisut qanoq anguniagaqarpt?

**Apeqqutit 2:**

Ingerlatseqatigiiffiup naatsorsuutai kingulliit aallaavigalugit Air Greenlandimi piginneqataassutit Naalackersuisut nalunaarsugaat, tamarmik immikkut, qanoq naleqartutut tagginneqarsinnaappat?

Akissut: Air Greenlandimi aktianik piginneqataanermi nalingi pillugit Naalackersuisut paasissutissiutigisinnaavaat, ingerlatseqatigiiffiup immini nalinga ukiumoortumik naatsorsuutini kingullerni 630 mio. kr.-usoq. Taamaalillutik Namminersornerullutik Oqartussat 37,5 %-mik piginneqataanerat 236 mio. kr-nik naleqarpoq.

Taamaakkaluartoq ingerlatseqatigiiffiup immini nalinganik aktianik piginneqataassut tuniniaasoqalersillugu nalinga allannorsinnaanera eqqumaffigisariaqarpoq. Ingerlatseqatigiiffiup siunissami iluanaarutigisinnaasaanut nalinganillu isumaqatigiinniutaasinnaasunut pisisup tunisisullu naatsorsuutaat apeqqutaallutik naleqarnerusinnaavoq nalikinnerulluniluunniit.

Med venlig hilsen  
Inussiarnersumik inuulluaqqusillunga

  
Aqqaluaq B. Egede